

辛卯侍行記

序

光緒十七年三月秀水陶公奉巡撫新疆之

命嗣君拙存待公行歷秦晉趙魏齊燕六國之地西踰長
城渡瀚海入月氏鮮卑車師蒲類諸國以達新疆都行一
萬一千餘里凡山川關隘之夷險道路之分歧戶口之多
寡人心風俗物產之異同罔不勤諏廣稽取其事有關於
經史及體國經野之太者著於篇名之曰辛卯侍行記鳴
呼何其都也竊嘗以爲古者圖與書並重周官大司徒之
職以天下土地之圖周知九州地域廣輪之數辨其山林
川澤邱陵墳衍原隰之名物而夏官司險

職方氏又

各有專職以掌其圖。嬴秦焚書，獨律令圖書藏於史相。漢祖入關，蕭何收而有之，遂具知天下阨塞、戶口多少、強弱亡秦、破楚以得天下。漢時郡國輿地之圖，掌於司空。累朝不絕。隋唐以來，圖學漸就微滅，而私家著錄之書間有存者。自時厥後，浮文日盛，重書而不重圖。於是周秦以來歷世相傳之圖，蕩然無復。畱遺而郡國之沿革、分并、山川之名、宮廟輿服之制，下及草木鳥獸蟲魚一名一器之微，莫不名實淆雜，敎懂乖離。學者求其詳而不可得，往往敝精焦思，索之影響紛紜，聚訟如瞽者之求日於槃及聞鐘，而遂以爲眞日也。可不謂大愚乎？吾嘗私怪司馬子長氏以

通博有識之儒其所爲史記立體大備獨於圖焉闕而弗載班范而後相沿相襲以至於今卒未有能悟之者可歎也已拙存夙精於圖學其記是書也獨能於古圖亡滅之後躬履其地一一詳究以求得其一當其大旨以山爲經以水爲緯以古書之方向里數定土地之沿革以方言土音之變轉證古名之是非自漢唐巨儒迄今鴻學贍才精研地理之士凡其言之參差舛悟不合於古而輒於今者皆綜覈而析辨之曠然如迷者之獲康途以逝也余向讀禹貢一書深以雍梁徼外之地若積石豬野黑水三危諸說惘恍支離不可典要今旣喜得拙存之說錄而存之復

爲之序以誌服膺之意今年三月拙存由塞外隨侍入關
屈指是書之成已五年矣每一披覽猶喟然想見當日懷
鉛握槊於風沙雨雪中躊躇四顧時也丙申五月二十八
日世愚弟王樹枏敬序于金城節署之西堂

辛卯侍行記序

詩陟岵苞栩諸篇大都人子行役遠離其親之所作也豈不以輪蹄僕僕寢膳依依勢固不能兼及者哉陶君拙存見示辛卯侍行記六卷蓋侍其尊公由陝藩

簡授新疆巡撫自入

覲以洎履任備記程途日月酬應往來英蕩式臨負弩矢者駢集幃帷暫駐擁冠蓋以鱗差而君隨侍其間亦幾忘風塵況瘁天倫之樂際遇之榮有昔人所未逮者顧其中所過名都下邑建置沿革特詳水道郵程脈絡并分悉具或辨譌而攷古或救敝以論今徵引諸書不下數十百種

自非便腹笥蚤裕居恆抑豈患促倚裝所能立辨且夫
世之所謂佳公子者吾知之矣當其席豐履厚體泰心奢
裘馬翩翩不減五陵年少此亦何足爲君論又或聰明特
達卓犖不羣及壯盛之年華乘父兄之餘蔭鵬搏霄路驥
騁天衢鼎養承歡本無俟毛生之捧檄策名騰仕乃竟同
溫嶠之絕裾胎轍東西庭閭曠隔孰得孰失必有能辨之
者陶君博識前聞究心時務竿諳周髀注析桑經象寄譯
糗采異聞於稗海兜僨僦休慨披髮於伊川固不徒帖括
能工洵乃體用兼備儒令出其所學馳騫當途唾手三旌
定堪操券而乃頻年節署依然鍵戶下帷定省晨昏編研

午夜佗無耽耽不妄交游其性天之純篤識趣之高明有
迴越尋常萬萬者茲以河湟不靖中丞公奉

命督師小醜陸梁行當殄滅君復追隨節鉞密贊戎機所
記道里山川不啻畫沙聚米墨磨盾鼻氛息旄頭行篋所
儲當更有哀然成裘者謹拭目俟之矣

光緒二十一年十一月巡卿弟丁振鐸序於北庭之柏署

辛卯侍行記卷一

自陝西東至河南道口鎮乘舟經山東德州北至天津二千八百六十八里

秀水陶保廉

辛卯四月 家君奉

召入覲二十七日庚申假裝衣箱六書箱九履轡二轡夫
每人日給錢三百轡車四每乘價銀十六兩大車四每乘
價銀二十四兩皆雇至河南道口鎮同行者高爽溪表叔
增懷甯張愚生紹元及其長子子寬宗厚又金匱施裕堂
衍緒以赴京兆試結伴家人沈和張德張祥張虎許慶打雜人王四尤和家君代
兩首縣擬信囑東路賓友勿事供張保廉作家信託許公
若大由上海轉寄又致金匱伯工部信託覓寓廬

二十八日已刻啟程 四里長樂門 家君詣官廳撫臺

鹿滋軒偕長笠農德滋軒兩副都統藩臺張竹屐泉臺唐

斐泉松鶴齡江海帆兩道臺行寄請

聖安禮

尙將軍病未來

張仲軒席星府張次丞諸幕賓於道旁設

茶座邀往話別

三里東郭門

郭外歧路東南行十里尉家坡又十里水溝十里毛

家河十里藍田境新街二十里洩湖鎮二十里藍田縣郭外東北行十五里光泰門又十五里新仕鎮二十里呼

于堡渡渭水西北東北行二里道南爲韓森社統附郭四

十五里高陵縣東北行二里道南爲韓森社統附郭四

十二郭社有高家若山宋敏求長安志以爲秦莊襄王陵俗以爲呂不韋冢或云韓信冢皆非也按史記不韋傳正

義莊襄陵在新豐西南三十五里水經注葬近驪山皇覽

呂不韋冢在洛陽北邙舊縣志淮陰侯韓信墓在霸城或

云省城東北四十里龍王廟堡西北畢沅立石焉

六里十里鋪

有十餘家西北四里幹耳塚社統十

九下長樂坡舊名漣坡隋文帝改長樂二里漣橋隋沈定九岑盛之兩

鄉長橋左右二坊一曰輞川勝景一曰長樂要津漣水實水經注

之長水亦名荆溪出藍田縣西南二瀾東曰焦戴水西曰湯峪水合而西北流貫白鹿原鬼峪水西流入之又西北

至咸甯之杜陵邨西庫峪水北三里官廳邨在路東有沙

流入之又北至北辰社入於漣三里至漣水南龍王廟

家灘等十五邨四里牛耳寺在道三里至漣水南龍王廟

食於行館漣水淤沙日高夏秋泛濫道湍難行咸甯縣丞署亦被水毀漢文帝霸陵在東南十里楊家疙

禿邨之北名鳳皇嘴隋周未刻度漣橋長約四十丈唐稱三百丈陵戶毛高二姓

銷魂橋隋初移建非漢漣橋地也元劉彬明余子俊重修康熙時圯廢

乾隆中移建道光中巡撫楊密峰重修漣水出藍田東山倒峪銅峪雷峪諸

間西流至普化鎮藍水西北流入之又西十二里經藍田城南有輞川水實古漣水也北流入之折西北繞白鹿原

東址二十里經洩湖鎮二十里新街又西北入咸甯界十五里沙河西南流入之二十五里洪慶河自臨潼西南流入之過灞橋街又西北會荆漢橋北爲灞橋街北里許爲

卽說稱灞水者合而北入渭 霸城縣地也街東五里 五里上銅人原至豁口邨 五里路家壽社統十七邨

邵平店東陵種瓜處唐韋后福陵 穆宗妃生武后 肅后慶陵

宜宗昭容 王后壽陵 懿宗妃 王后安陵 懿宗妃 均在西北

生懿宗 生信宗 生昭宗 生昭宗 均在西北

陵戶皆 五里地窰子 臨潼 五里斜口鎮 唐段太尉故里 三

吳姓 志稱阮儒谷在臨潼西南五里按孔孟旣

里過惠七里橋 殽正學不明所謂儒者名是而實非六國

未亡則以遊說橫議弋取名利迨秦并天下則競進封禪

刻石之議其頌辭輒口功蓋五帝澤及牛馬諫無可諫乃

創爲求神仙求不死藥多方詭遇凡以冀高爵厚祿耳費

巨萬計仙藥終不可得始皇乃怒諸生而阮之史記曰召

方術士原非眞儒也曰阮四百六十餘人原非悉天下之

儒而誅之也僞儒本所宜逐投之溝壑未始不可抑浮囂

所惜者驕恣無度窮極土木開邊黷武民受其殃諸生因而奮筆鼓舌甚其罪狀子貢所謂惡居下流天下之惡皆歸者也嗚呼彼君子儒如伏生輩得保其天年驪山陷非偽儒自取之耶史記始皇阮諸生在咸陽而衛宏云在驪山剛谷者七里臨潼縣進西門一里出南門一里與史相乖

宿驪山下環園計行五十七里知縣事錢塘施勛臣劭安

府知府滿洲文泰初咸甯縣知縣長山焦雨田雲龍長安縣知縣四川胡鴻賓昇徵暨各文武來者八十餘人遠道送迎皆非禮也鹿撫臺遣戈什二人任協鎮紫卿令親兵四十人護送家君固辭卻之吳參將兩舟遣兵八人相送力辭不獲堅驪山卽藍田北幹兩高峰曰東繡嶺西繡嶺送至通口

嶺曩時花木蒼蔚兵燹後蕩然矣環園爲唐溫泉宮華清

宮故址

漢武故事云驪山湯始皇初石起字漢武又加修飾焉唐華清宮內嚴開園亭之名見於縣志凡三

十餘所故址不可詳攷敬宗寶曆元年上欲幸驪山張權輿諫曰昔幽王幸驪山爲犬戎所殺始皇幸驪山而國亡

元宗宮鑾山而祿山亂先帝幸驪山而享年不久帝曰鑾山若此之凶宜往以驗其言既還謂左右曰彼叩頭者之言安足信哉
光緒丁丑知縣事會稽沈某修此園旋聖衷明年帝被弒
議其碑文云以工代賑竊意此特籌賑一事耳丁丑奇災集得巨貲應悉充賑修治園亭非農夫所能此日以工代賑僅賑壁間石刻金人詞羯鼓數聲打開蜀道霓裳一工匠而已

曲舞破潼關有慨乎言之

蒲城廩生李仲特來送作長夜之談李寒士學算甚力

二十九日黎明行

一里進臨潼南門

縣志稱驪山屬土

城向西以受金氣則金生水又恐水之直洩乃塞北門門倘建鐘樓於中衛以應金星可培植風教云云此形家陋說竟載諸志乘士人之識如此宜其哀也

一里出東北門

五里五里溝

三

里官路鄭邨

二里陰盤坡

二里沙河

八里新豐鎮

漢地志太上皇思東歸高祖爲築城市以象豐七年置新

豐縣

按史記高帝十年七月太上皇崩櫟陽宮更名驪邑曰新豐則太上未崩以前猶曰驪邑不得云高祖七年置

也

鎮東鴻門坂沛公會項王處也

十里戲河橋

水出南山

走馬

六里西段邨

四里鎮於零口鎮

有樊嶺廟

三里零口塘

臨潼縣東三十八里鐵鑪鎮南龍鳳山左右三澗北流合爲零水又北入渭古稱冷水出驪山東支肺浮山

二

里零陽鋪

渭南

五里盛店鎮

五里杜化鎮

五里量天坡

卽唐書沙陀傳之梁田坡有廟曰大鍋寺

五里胡邨鋪

九里萬里橋下爲酒

水

水經謂之首水出石樓山東北入渭

一里渭南縣西門

一里住行館計

行七十八里

高八叔因轄內不便偃卧換坐余車余坐轎

署縣事歷城嚴少雲

書麟

縣西南七里灰墪周百步高三丈俗傳始皇焚書

處

韓非子和氏篇商君教秦孝公連什伍設告坐之過燔詩書而明法令則焚書非始於李斯也始皇以立國爲

樹兵遂郡縣天下齊人留于趙請封建李斯憾愚儒道古以害今請下燒書之令斯親見六國戰爭慘毒黔首讓廢封建亦救時苦衷論者以秦不封建爲失計不知始皇驕暴寡恩縱行封建亦自速亡迂儒泥古妄言焚書之禍實激成之又按秦禁藏書謂非博士官所藏而私藏者悉燒之官書自在也此非亡於秦火而亡於項羽之一炬然圖書歷久易佚如醫藥卜筮種樹之書秦本未燒後自殘闕又如漢晉人書至唐宋而佚唐宋人書至元明而佚有幸有不幸耳書之切於身心家國者原屬無多若近世之雜家異說汗牛充棟或世誣民雖盡付一炬何傷東南

十五里郭家邨有漢孝子蔡順墓

按順汝南人墓在此可疑

三十日卯行 一里出渭南東門

見兩狼在野

六里西陽橋

六里東陽橋 十里赤水鎮水經注竹水俗謂之大赤水

後人訛謂商君決有坊題周處故里謬也縣志稱周處斬蛟赤此水邑東南四十里鳳皇山有例歐峪周處殺白虎於此攷三國吳志晉書皆云處陽羨人今江蘇宜興縣也 渭南新志鄉

賢有周處傳擒錄晉書本傳而於處少孤下增吳中多難
避地元象山隱居焉二句以傳會倒獸峪周處殺虎之說
又將處果殺蛟而反句改爲處乃殺蛟水盡赤以傳會赤
水鎮周處斬蛟之說於傳未增西討死車秦人思之以元
象山殺獸斬蛟功立廟峪口收處遺骸藏廟中等句復注
曰晉書一若本傳有此等語者夫周處非秦人射虎斬蛟
確在陽羨其西討死事在今興平縣境與渭南無涉本傳
明言賜葬地一項周氏本江南豪族處子玘爲烏程縣侯
少子札爲右將軍豈不能葬其父於故鄉渭南人收處遺
骸晉書未載千餘年後誰見而知之渭邑無周處山川未
必減色鄉曲詭傳本無足怪過橋入華州界望見少華州
指紳先生何亦曲爲傳會耶
南十五里遇仙橋 五里白泉鋪 十里石橋鋪 十里
華州進西關 二里住新北門內行館計行五十五里知
州事新都鄭執安思敬 同治元年春粵賊合捻匪踰秦嶺
入陝渭南紳士募回丁守酒峪因
滋事裁撤路經華州聖山伐民家竹漢回互聞是年夏髮
逆陷渭南華州華陰葵回乘間創亂蓋漢回畛域太分睚

賦積忿互有曲直數世之仇一朝決裂名城大邑所過成
墟慘矣哉華州北二十里王邨鋪又七十里同州府又

北十里柳池鋪二十里義井鋪
又十里白其鋪五十里澄城縣

五月朔甲子東行 一里出華州東關里許有舊木坊題

汾陽王故里又有寇萊公故里公墓在渭邑北棠邨里陳希夷墜驢

處碑 十里羅文橋五代梁劉鄩戰敗處 五里石路崎嶇蓮

花池橋有黃宋河出移山五里柳子里有紀信廟一里迎仙橋

有孟家河出方山南爲白土坡四里臺頭鋪卽分界鋪華州華陰

接壤 五里古城營有慈峪水北流十六里十里敷水鎮敷

出鎮南六里少華獨秀峰下敷谷北流經此 北魏有敷西

又北五里折東北二十里至北嚴邨入渭 縣唐爲敷水驛後人謂以羅敷王仁妻秦氏得名則誤以邯鄲

婦人爲秦人矣食於旅店望見太華 十里二十里鋪卽

新莊鋪汛墩書平舒古制秦平舒道水經注所謂江神返

璧者也 十里長城鋪

仙峪峽二水至此合流又東北十九里入渭

秦孝公元

年魏築長城自鄆濱洛卽斯地也蓋華州華陰宣王時爲

鄭桓公采邑東遷後爲晉之河外戰國初爲秦魏接壤時

桃林非秦有故秦不强魏納河西秦遂不可制 十里華

陰縣

志稱西南五里有華佗墓按元化沛國譙縣人死於許未嘗入國又縣西三里有王猛墓

進西門

一里出東門

四里住嶽廟

俗呼華陰廟

計行七十六里知

縣事廣西梁心荃年丈承馨

初二日 家君偕同州府知府武強賀子言年丈爾昌權

朝邑縣事遵化李晉笙登第往朝邑閱河工在三河口鎮

北二十里三河口者洛水東南流入渭在鎮西渭入河處

在鎮東近年河流自大慶關西徙侵逼洛水若奔洛溢渭

則華州有泛溢之虞於趙渡鎮朝邑南十五里田子邨等處築挑

水壩以障西岸華陰東北二十里三河口鎮折西北渡渭

渡口逾河而東北十八里嚴家莊又二里秦西港明末黃

河故道也又東北七里爲大慶關有秦晉界坊又東過渭

河明萬歷初黃流也三里蒲州府又自趙渡洛水出甘

肅慶陽安化縣北東南流經鄜州同州入渭卽周禮職方

氏雍州其浸渭洛之洛漢地志裴德有洛水禹貢導渭孔

傳漆沮二水名亦曰洛水出焉北皆指今同州之洛前漢裴德在今朝邑西南後漢懷德

在富平縣水經注沮水逕懷德城南今富平石川河也古

時入洛統稱漆沮近世與非禹貢伊洛之洛也保廉畱住
洛絕遂以漆沮專屬石川
嶽廟廟極宏壯康熙時發帑修葺同匪亂後重修不及曩
時之半舊有商柏周槐漢唐碑碣多付劫灰矣登閣望太
華去春余福遊西岳諸峰有記曰客有言太華之雄奇者
余羨焉偕友往遊以三月十三晚至岳麓雲臺觀爲周
明堂地宋陳希夷隱此西有顯亭林所建朱子祠朱子曾
奉主管雲臺之命故祠焉登閣觀西峰半出雲表瀑布如
匹練次日乘筇與至玉泉院觀希夷洞洞外鐫三大字曰
山蔦亭入張超谷經王猛臺桃林坪娑羅坪曲折峴石開
飛泉怒號奇峰駭目望見大上方水簾洞希夷峽皆前明
登山孔道今則陵谷變遷不復取道於茲矣循十八盤而
上舍輿徒步盤厓崎嶇愈曲愈峻距平地二十里豁然開
朗爲青柯坪坪當山半山之勝至此得十之三四其上益
險遊人率止此顧不踰奇險不得奇景余心未慊也日已
暮宿東道院澗水爭流松濤四起濟騰徹夜如泛滄溟望
日之卯短衣窄袖鼓勇徐升與人前導指示崖上同心石
三字氣頗餒不數武瞥見英雄進步四大字氣遂一振無

何陡壁阻人中裂一縷鐵索下垂繼而上者可千尺曰千尺峰出險得不地丈餘復入壁罅繼而上者百尺曰百尺峽蓋水經注所謂天井也從峽口度二仙橋過嶺神洞至翠溝危崖右削石受足候高候下亘數十丈下望如壁上峭澀余面壁側足屏息曳踵溝遠雲臺峰卽北峰也詣真武祠道人具蔬食憑檻縱眺翠峰羅列白雲油然須臾千變午後至蒼龍嶺則一線羊腸橫嶺數里如龍脊前不見首後不見尾兩旁劍削而下不知其幾千仞導者告余曰韓呂黎至此痛哭不能下戒毋旁視余潛脫左右雲霧下起風來體戰遂蛇行而過又踰數險至五雲峰當華岳中央眾峰環拱突起突落重疊如蓮萼此華之所由名厥旋登雞冠石磴道迂迴盤旋空際一步一曲饒有逸致入金鎖關躋玉女峰正對東峰仙掌乃巖石崩墜肌理呈露文列如掌好事者指爲巨壺壁山之跡不足辯也循馬槽谷下降十餘丈出谷底松林掬雪和松枝嚼之殊沁心脾至東峰下升降略億從者引余上觀青龍池奉昭王博臺下峰入南天門登聚仙坪觀九節梯鐵杵插壁綴以狹版其下翠石竝立人跡不到俯視石壁鑄華山文約四字大踰尋丈巖固有徑可通出天門過玉柱峰入於穴石覆如履自隙上出卽避詔崖陡壁怖人石濡浸履華岳志

故遊詒岸二字希夷丁書夫希夷既逝肯自表之乎華山
古蹟志多傳合余惟賞山勢之奇而已傍晚登南峰宿岳
廟據華岳之極高於平地四十里帶黃河而礪羣山昨在
山麓望西峰插天至是則抑然自下有弗敢爭高者須臾
月出天無片雲俯視蒲坂馮翊諸郡邑都歸煙霧羣峰密
半若沈若浮夜分甚寒披裘就枕次日登落雁峰觀仰天
池黑龍潭循青身崖至西峰巨石裂而未墜有類斧劈諸
蓮花峰高卧片時松風拂衣而醒折北經二十八宿潭復
至五雲峰午後下山晚宿北峰次日還雲臺觀常陟險探
幽時兢兢業業無或顛蹶至平地而與人仆仆於所忽也
青柯坪以上小險小奇大險大奇奇雲奇石奇松殊形詭
觀不可以物擬向非鼓勇直上則交臂失之矣甚矣天下
事之不可以畏難也爰泐石絕頂仰天池之旁大書曰光緒
庚寅三月望商邱席裕騏秀水陶保廉吳江陳世昌同登
初三日由嶽廟東北行南有醴泉水北流至廟南歧爲二
西枝西流東枝北流均入長瀾河

五里陽化鋪

四里沙渠橋

水出縣東南二十五里蒲谷
北流十餘里至鎮陽邨折西

北流經橋下又西北
入長瀾東北達渭

六里泉店鋪漢楊震講學處

二里

磨渠橋

八里楊橋鋪

一稱吊橋

有楊震墓

坊題四知碑謝關西夫子有靈谷水

出朝陽山北流十餘里過楊邨又五里滿城舊址

華陰五里

十里過吊橋寨折西北五里入河

潼關入西門

一里住行館計行三十六里城內東山卽

麒麟山有提督馬德昭所葺園亭西望太華終南左顧中

條首山秀嶂分霄層崖刺天俯瞰風陵渡舡如鳧泛下山

行河隄三里至電報局寄津滬各信下午

家君自朝邑

來

候補知府懷遠宮農山之子小農名汝鼎以應試同赴京師

潼關東漢建安時始見

於史徐堅初學記魏有潼關在函谷西金門關在函谷東

晉有衝關在蒲坂南臨晉關今蒲津關所在元和志歷徙

二處而至河潼關西一里有潼水故名按水經注河流潼

激關山因謂之潼關有濩水注之出松果山

華陰東南流二十七里

經通谷亦名通谷水據此則潼水古稱濩水而關非以潼

水得名也

今潼水二源東曰禁溝水出蒿谷峪西曰通谷水出佛頭崖均北流二十里會於柳家邨又北

五里貫廳城入河

通典曰潼關又名衝關河自龍門衝擊至華山

東也

潼商道滿洲文鏡堂潼關協副將滿洲領華亭撫民同知閔縣王子善識

初四日卯出潼關東門曲折土峽中

車至此皆易短軸

五里出金

陡關入河南閩鄉界

金陡東南里許爲李家莊又南二十餘里爲萬倉善車馬峰等十餘邨皆

潼關屬地插入閩邑者

關東南古稱黃巷潘岳西征賦所謂溯黃巷

以濟潼

水經注河自潼關東北流側有長坂謂之黃巷坂太平御覽引述征記黃巷坂長十餘里九坂迤邐

元和志黃巷坂在閩鄉西北三十五里

或作黃卷者誤也

匡謬正俗曰潼關之外深道如巷土

色正黃謂之黃巷又曰自此東達函關軌轍多在巷中

吳江

車徒輻輳所以極深李虹舟西征賦有云踰蹕低印以赴軌巖崕岑岑以噪音倦迫路之長驅終白日以無見固始將湘西征迷曰每行健步一人前喊來車勿驟或讓立壁隙然後過否則兩值各欲還不能占志車不容方軌馬不得竝騎一夫當關萬夫莫開信不誣也保廉按車行經此誠爲險隘若舍車而騎步則阜上田間自多坦途蓋此巷於上古爲平路車車深碾雨水冲刷久而成溝兩旁又多田廬不得行車數千年來趨此一轍愈刷愈深如巷如峽士夫往來乘輅祇見還徑詫爲巖峻正如身坐井中不知井上有康莊彼跳梁者不必用車卽不必魚貫深巷騎步分進蹊徑百出以余觀之潼關兩谷皆非天二里七里屯

在道北原上

十里出巷至

青龍澗

西南十里東馬等邨亦潼關插花地

卽玉溪也邨注玉溪北流逕皇

天原西漢世祭天於其上又北逕閼鄉城西是古閼鄉在

今閼底鎮也

三里食於閼底鎮

西南十餘里東莊等處亦潼關插花地

東

行復入夾道

十里十二澗河鄉注之全鳩水也

水東有辰太了

冢北入大河

十里出夾道至槃豆鎮西有狼水澗一名

兜津南出聚香峪

鄆注槃澗水出夸父山北逕漢武思子宮東又北入河齊氏水道提綱謂與十

二河合

疏誤也復東行夾道

十里高柏屯在道南

十里閼鄉

縣北

知縣事榮成孫六皆叔謙邀住署內計行六十里

縣城因隋址周四里北垣圯於河方修隄工

城西有湖澗水經注湖水

出桃林塞

閼鄉縣秦曰湖關漢置胡縣

故城在今縣東元和志湖城東南至魏州五十

二里漢胡城在

武帝更名湖

以黃帝鼎湖而名

後魏改胡城隋始

立閼鄉縣

後漢郡國志湖縣有閼鄉元和志後周顧亭林明帝置閼鄉郡然舊新二唐志均未載

日知錄以閼鄉爲春秋晉河外之瑕古瑕胡二字通用

記

引詩心乎愛矣瑕不謂
矣鄭注瑕之言胡也漢又改湖也而顧復初春秋大事

表以陝州曲沃鎮當河外之瑕左傳焦瑕竝舉史記恆以

焦曲沃竝舉

梁襄王五年秦圍焦曲沃八年秦歸我焦曲沃按焦在陝州

其理較長

闕山在縣西南五十里

是在潼關南矣

夸父山在縣東南爲西岳

支峰亦名秦山北爲桃林荆山在縣南二十五里志稱山

下鑄鼎原黃帝上升處湖城廢縣卽漢武鼎湖宮按服虔

謂黃帝升僊處在寒門谷口

今醴泉道化之間

寰宇記雲陽縣東

北嶽薛山黃帝鑄鼎於此

雲陽今道化

陝西富平縣志稱富平

西南十里荆山有鼎湖黃帝上升處藍田縣志云鼎湖宮

在藍田夫鑄鼎上天方士妄談耳乃各欲引以爲重可哂

也封禪書公孫卿受書於申公曰黃帝鑄鼎荆山有龍下迎黃帝上天從者七十餘人後人名其處爲鼎湖又曰
所忠視其書不經則當時已知其妄矣司馬氏於黃帝紀
特書帝崩葬橋山蓋有慨於武帝之惑也王充論衡道虛
篇力辯此事非實
後人何不悟耶

端午日出關鄉東門

東南二十餘里鄧家營等六七里

九里

雷家營

至此折東北行

六里楊家灣

亦漳關插花地

五里大字營

河南通志作達

四陝州志作達紫其北有王濬墓唐羅隱詩男兒未必盡英雄但到時來卽命通若使吳都猶王氣將軍何處立殊功
二十里食於稠桑鎮寶號公敗戎於桑田卽此矣通與
劉文靜相拒於十八里得磚牆一堵當土峽康熙中知縣
此有水曰沙河

事江繁築題曰函谷關襲舊名也

秦函谷關在今靈寶南十里柏林蔭谷深險如

函故名漢武元鼎三年從楊僕言徙於新安東曰新關以故關爲宏農縣東自崑山西至潼津通名函谷亦稱桃林

桃林之塞東西甚長秦關以西皆晉唐所東向有聯曰

守也春秋時崤函屬晉厥後秦得其地乃強

未許田文輕策馬願逢老子再騎牛

按抱朴子老子西遊遇關令尹喜於散關

括地志散關在陳倉東南是老子爲尹喜著書未必在函谷也

北山上有老子祠按史記

老子傳引或曰者三而斷之曰老子隱君子也諷世之意

深矣

同治六年夏左文襄西征輻重魚貫隘道中山雨暴至漂失士卒車馬甚多元和郡縣志崤上不得鳴鼓

所鳴則風雨忽至文襄過靈寶時知縣以爲言

下坡過宏

文襄偏欲鼓角發噤連遭此災武弁陳某云

農澗縣注之門水又名鴻關水亦曰鴻臚澗西北流入河

里及直隸長垣縣二里靈寶縣桃林佳城內行館城固明

西皆有龍逢墓里計行六十里知縣事奉化舒敏之樹某

今日車路多在

有捷徑惟多險陀若

靈寶縣治秦函谷關北境漢宏農郡

宏農縣

後漢避帝諱改恆農晉復故

迄於西晉均在秦關後魏改置西

恆農郡則在今號略鎮

縣西南四十里

後周廢隋開皇中始於今

縣治置桃林縣

屬河南郡並置虢州於盧氏煬帝復置宏農郡於宏農義甯初改鳳林郡唐初改鼎

州貞觀

八年廢唐貞觀初移虢州於宏農縣而桃林屬陝州天寶

初得寶符於古關旁改桃林爲靈寶

城南一里有明許進墓進於宏治中巡撫

甘肅規復哈密

靈寶北至黃河十里南至盧氏縣一百八十里盧氏南至內鄉縣一百三十里西南至朱陽關西

至陝西雒南縣均一百二十里

初六日由靈寶東北行

十里好陽鋪

有好陽關出峴頭山北隸入河南有

曹陽亭曹操改爲好陽括地志在桃林縣東南十四里

十里食於曲沃鎮

有嵩水出常烝山范

家窪寬僅二三尺西北入河

鄆道元曰文公十三年晉使詹嘉守桃林

時以曲沃之官守之故曲沃之名遂爲積古之傳顧復初

卽瑕詹嘉處瑕以曲沃之官守此故謂瑕爲曲沃非桓叔

所封曲沃亦非河北之鄆瑕也保廉按江慎修曰惠公許

秦以河外內及解梁城則瑕在河北解州南近河南桃林

故詹嘉處瑕亦可守桃林云云然文公十二年秦師夜遁

復侵晉入瑕高江都謂秦已渡河而

西必不復深入則瑕在河南明甚

里新店 五里橋頭溝 八里石橋溝州志卽七里關元

次曹陽謂此地也保廉按水經注七里關自南山通河亦

謂之曹陽坑漢書天子露次曹陽復戰大敗四十餘里方

得達陝以是推之似非曹陽云是道元已疑七里關非獻

帝露次之曹陽矣郡國志引晉灼曰曹陽亭在宏農東十

三里獻帝東歸敗處曹公改好陽顏師古注陳勝傳曰曹

水出硯頭山今謂之好陽關在陝縣西四十里然則曹陽在靈

寶境內無疑而章懷注獻帝紀謂曹陽關在陝州西南七

里者四里南關砦有三里關出城東南六十里乾山下張

誤也

邨一名藏龍關西北流逕太峪柳林十

拜雷家等邨入於河三里永定澗卽袁水下流其源一

縣氏所謂澗水也川出雁翎關均西北合於菜園鎮至交口邨有張茅南山

之水西南流入之折西流一名青龍澗繞城西以入河清

岳西征賦所亂石蹶人素水合二峭諸澗夏秋間勢甚湍

謂慢瀆也亂石蹶人悍摧裂大石如轉丸而下州城本

據高阜久被衝塌漸及城趾築隄衛之隄上坡入陝州南

亦屢圯迭興巨工動糜萬金小水且如是

門甘棠住東街試院計行六十里河陝汝道海鹽沈絜齋

守廉知州事蕭山孔聽樵廣聰連日酷熱下陝州周召二

公分治之所春秋虢國孔穎達左傳疏鄭滅一號晉滅一

云義仲封東虢制是也號叔封西虢號公是也馬融云虢

仲封下陽號叔封上陽按上陽下陽同是虢邑不得分封

二人若二虢共處鄭復安得號仲封東而杜注云號叔東虢

明證各以意斷穎達又曰號仲封東而杜注云號叔東虢

君者言所滅之君字叔也漢地志陝縣故虢國北虢在

大陽東虢在榮陽西虢在雍州郡國志河南榮陽虢叔

國宏農陝縣號仲國杜預曰號都上陽水經注上陽號
仲所都爲南號括地志洛州汜水縣古東號叔之國岐
州陳倉東四十里次西十餘里皆有號城文王母弟號叔
所封是曰西號通典元和志並云北號今陝州平陸縣
東號今榮陽縣西號今鳳翔扶風縣王夫之春秋稗疏
榮澤之號亭東號也下陽在平陸縣大陽之南濱河之北
北號也陝州之上陽南號也東號號叔所封南北二號皆
號仲地北號其故都逼近於虞後或渡河南遷歟顧棟
高春秋大事表西號封於雍今陝西寶雞縣東境號叔子
孫從平王東遷封於陝在州東南上陽城號支子畱雍者
爲小號泰武公滅之號仲封東號在汜水縣東沈欽韓
左傳地名補注曰賈逵云號仲封東號號叔封西號韋昭
注鄭語同按隱元年傳號叔死於制則號叔爲東號矣通
典號仲國今陝州平陸縣方輿紀要上陽城在陝州東南
又號城在鳳翔府南三十五里文王弟號仲封此爲西號
平王東遷始徙於上陽爲北號或曰非也蓋號仲支子所
封欽韓按泰武公十一年滅小號當春秋莊公之世則號
仲之封本在上陽云隨平王東遷者非也元和志鳳翔號
縣文王弟號叔所封是曰西號然號叔封榮陽爲鄭所滅
雍地之號非號叔也當是支子所封趙一清水經注釋

曰大陽北魏榮陽東魏雍州西魏并陝縣是四魏蓋陝與
大陽夾河故有上陽下陽之分亦有南魏北魏之稱陝爲
魏都大陽爲魏塞邑魏梁及杜注可證也何仲訓陝縣魏
城是西魏以杜預云陝縣東南之南字爲西字之誤其說
與班志異宋程公說春秋分記曰傳五年魏仲魏叔王季
之穆此二魏西魏也仲封陝州以別於鳳翔之魏故亦謂
之南魏魏叔之封今鳳翔府魏縣以在中國之西又謂之
西魏隱元年制畿邑也今鄠州榮陽縣東魏也所言本於
孟堅足證何說之謬一統志引鄭樵通志魏都上陽今
魏州魏略魏仲之封也謂之西魏魏叔在鳳翔謂之南魏
復有一魏居榮陽謂之東魏按賈逵馬融以陝縣爲魏叔
國道元又云魏仲所都賈馬指此爲西魏班志則爲北魏
道元又謂南魏迄無焦國括地志焦城在陝州城內東北
定論今以通志爲正焦國百步周同姓所封按史記周本
紀封神農之後於焦後係姜姓當別有後并於晉戰國屬
一地鄭道元裴駰云在陝縣恐未確後并於晉戰國屬
魏漢爲陝縣故城在今州西魏北魏始稱陝州城西北四
里太陽津

卽春秋茅津州北至山西平陸縣五里州東南至永甯
縣一百六十里又東南至嵩縣一百四十里州西南至盧

氏縣一百四十里又南行山徑至內鄉縣五百里
又南至浙川廳二百六十里乘舟沿丹水達襄陽

初七日出陝州東門有召公祠又東有廣濟渠自州東交

旁築堰分流西北溉民田屈曲四十里至城東北隅穴垣
而入創自唐長孫操道光時棄水下注山卑不能上引又

由交口改引張茅十里東十里鋪北有五里橫渠集北有

南山之水入渠鎮湖河常三門之上游自此泛舟西五里山莊頭通東多

達潼津惟東行不便有砥柱之險也石縣西三十六里又安

五里泉關上五里食於砥鐘鎮寰宇記魏上陽城在硤

陽城在硤石西四十里蓋在砥鐘左右矣民多穴五里衛店嶺北

三門都禹廟在焉郛西北河中突起二石左右對列如華

表左者略曰曰砥柱唐魏徵撰銘薛純書文曰仰臨砥柱
北望龍門茫茫禹跡浩浩長春其文至宋時即殘闕稍西
百餘丈有磊石三近北岸者曰人門峙中流者曰神門倚
南岸者曰鬼門三門東之水卑於西者尋丈微波怒轉摧
折舟楫試者以爲害不知害中亦有利天設三門爲洪流

之開倘擊而去之引渭奔五里八里店五里張茅鎮放火梁已下患更亟矣

五里五里河

寶宇記硤石縣西十五里莘原爲魏之莘邑左傳有神降於莘若伊尹所耕之有莘則在

陳雷接山東曹縣界而陝州

五里分水嶺

亦稱十五里廟志鄉賢祠祀伊尹傳會也

溝其南四十里雁翎關有夏后

五里硤石驛

陝州住行館計

行七十里沿途硤石屹嶠車行最艱嶠山西支也

道光十四年

緒九年皆曾開硤石關新路無如重車動踰千助仵傍甸礮不久即磊何矣

硤石鎮北魏嶠縣

在今雁翎關西之硤石塢唐移嶠縣治此爲硤石縣金廢

二十里南縣都新安縣西別

二嶠山在永甯縣北互澠池及陝州各邑絕

有硤石堡

谷深委晉敗秦師處其道在南曹操始開北道卽今澠池

陝州路也

元和志硤石縣北二十二里有魏惠王所築長城東南起嶠山西北至河今硤石驛北距黃

河四
十里

初八日發硤石 十里駕車嶺 十里乾壕

杜少陵所承石壕吏者也

五里食於觀音堂鎮

東南歧路一百里韓城鎮八十里內埽屬伊陽縣

七十八里汝州九十里寶豐縣九十里葉縣七十里舞陽

縣一百里陽鳳鎮一百里確山縣九十里明港九十里信

陽州六十里新店六十里金橋五十里松林岡七十

里楊店六十里雙廟四十里葛口四十里漢口鎮 五里

七里邨

十里西三十里鋪

池十里英豪鎮

舊稱土壕嘉慶中知縣某

改水經注秦趙之會各據一城蘭相如令秦王擊缶處世謂之俱利城元和志二城相去一里實字記秦趙所會城

在今縣西十三里漢

池二十里

縣

嘉城住韶山書院

池縣理於此城西三里

相傳文中計行七十里知縣事大興傅志儒漢 通池周

子講學處 號國蚌居後爲晉有戰國屬韓

哀侯東徙乃屬秦

漢景帝築通池

縣城

今縣西

魏寄治蠡城

寰宇記引四夷郡國縣道記在福昌縣西六十五里按福昌在今宜

陽縣西六十里則蠡城蓋在今永甯西北

隋徙大塢城

元和志在縣北十五里

唐貞觀初

徙雙橋卽今治焉

城周八里澠池山一名廣陽山在縣東北三十里間儒曹

月川澠池人也名其所居曰拙巢

縣北至黃河南至永甯均一百二十里

初九日由澠池東行

頑石

二十里石河

括地志漢新安縣城在澠池縣東十

三四里千秋寨

多亂石寰宇記千秋亭在澠池東二十里千秋澗水經注穀水自澠池東逕新安

縣城南又東逕千秋亭缺門山

十六里義昌驛

漢王爲義帝發喪於此因名

十里峭店

多石水經注雍谷溪石路阻缺亦有缺石之稱峭水歷側東南入穀

十里鐵門鎮新有缺門

唐五行志開元八年契丹寇營州發卒往援宿關門穀水上夜半山水暴至溺萬餘人宋地志景祐時改鐵門

日延禧按水經注二壁爭高不接者

十里西二十里鋪水經

注缺門東十五里有白起壘元和二十里新安縣南關志漢末黃巾起白起築以自固驛作

試院計行九十里知縣事直隸杜振之玉 新安漢宏農

郡新安縣東鄙故城在今武帝徙函谷關於此應劭曰去

里後漢以關屬穀城縣故址在洛陽後周改函關爲通洛

城置中州又有東垣縣尋改新安郡唐移新安縣治此卽

洛城今城周三里九分東至孟津一百四通穀水出澠池馬

頭山東逕函谷關會澗水酈氏謂自下兼稱澗水焉山海

經注括地志皆云澗水出白石山北流注穀則白石與澗

皆在穀水之南而今圖志以澠池東北山下南流之水爲

澗則山與水並移方向矣

初十日發新安 二里有關牆數仞俗亦以爲漢函谷遺

址 十三里尤章鋪

平路

十五里慈澗鎮澗古少水也

後漢書帝

置八閘都尉鎮函谷關城伊闕太谷轅轅旋門小平津孟津等八閘元和志八閘城在齊安東北三十里則當在今

慈澗十里孝水山海經俞隨之水也以近王祥墓而易名

東南按祥琅邪臨沂人今山東沂州府北有祥墓及孝感水史

稱祥割冰求魚則卧冰乃傳會之詞祥覽昆季以孝悌聞

然受二姓顯孝水以東皆唐東都禁苑地華屋山邱無故

爵大節虧矣跡可弔 十里穀水鎮洛陽十里七里河 七里河南府西

關外有木坊三中題九朝都會左題澗東漣西右題昔郎

朱子三里進南門任試院計行七十里知府事陽湖馮叔

惠光元倚郭洛陽縣周南知縣事會稽沈次端傳義 河

南府周王巖武王定鼎邾邾邾邑名邾山名在周公營東

都王城卽郊邑也

府西北五里漢河南縣治

又徙殷民營下都

今城東二十里

平王東遷居王城

東周王畿尙與岐豐相連晉滅畿內虢國東西都隔絕秦遂漸強蓋東遷後秦

僅得岐西地滅虢後秦始奄有豐鎬矣

敬王避子朝徙狄泉卽下都東北地

也

初在城外

晉率諸侯城之

始繞狄泉於城內

爲成周

府東北二十里漢雒陽縣

考

王封弟揭於河南

卽王城

爲西周公而以成周爲東周赧王

復居王城秦置三川郡漢改河南郡皆治雒陽

古經於雍州謂洛之

洛作洛豫州伊雒之雒作雒漢以前未嘗謂雒魏改雒陽爲洛陽詔謂漢火德忌水去水加佳一若漢以前本作洛

者不知漢果忌水何以國號漢乎魚豢陸德明顏師古東等輒據曹魏之言以改經史於是伊雒皆訛爲伊洛矣

漢魏晉及後魏太和中皆都此

均在周下都

隋於周王城成周

之間改建都城

當王城東五里成周西十八里

移洛陽河南二縣於郭下

故城唐末城圯宋景祐時重築今城因宋址周九里爲隋
舊廢城之東南隅也宋政和中徽宗於東京大營宮室復修治
西京六年而畢旋踵淪亡徒爲仇敵備館
含哀哉

洛陽歧路附

洛陽北五十里孟津 洛陽東南一百六十里汝州南

漢口路詳
初八日記洛陽東七十里偃師三十里渡洛水三十里

鞏縣四十里汜水四十里滎陽七十里鄭州七十里中

牟有賈魯河東南通朱仙鎮
又南至周家口達潁水七十里河南省城開封府

祥符縣省城東北九十里蘭儀八十里考城六十里山
東曹縣五十里定陶一百二十里鉅野五十里

嘉祥五十里濟甯州爲運河要道 又自開封東南行
二十五里太平岡二十里陳留縣二十五里韓岡二十

里葛港十五里杞縣四十里榆廂鋪三十里睢州三十里陽郭鋪二十里甯陵縣二十里觀音堂三十里水池口二十里歸德府四十五里馬牧集四十五里程家莊十八里楊集三十里江蘇碭山縣四十里王集二十里王家口三十里何家集屬蕭縣三十里何家寨四十里徐州府五十里張家集四十里雙溝五十里龍家集屬睢寧縣四十里高作二十五里黃集四十五里洋河六十里桃源縣四十里高家灣五十里清江浦又自歸德府南行六十里石橋棚七十里安徽亳州由渦河乘舟達淮

十一日丑刻發洛陽 五里東關折東北行 四十五里

鐵謝鎮

西南三里有光武陵鎮西北爲陰后陵適當水衝現築石壩護之

由鎮西北行

五里大王廟

碑記王姓謝名緒宋會稽諸生晉太傅安之

裔王行弟四居錢塘之安溪後隱金龍山宋亡赴水死元末明太祖與元將戰於呂梁臨將潰太祖忽見空中有神執鞭驅清元師大敗太祖夜夢儒生曰余知孟津縣事甯有宋會稽謝緒也詔封爲金龍四大王

知孟津縣事甯

津李金齋鎮邀至廟中飯焉繞行較迂

本當由府城東北行二十五里堯店

二十五里孟津縣二十五里舊縣街五里渡黃河十里孟縣

午後循河西行五里白

坡鎮渡口

舊名白司馬坡

河雖未漲而湏甚急船鋪版如筏以容

車適有東風張帆逆上不令順湏東下乃斜截而過

渡河頗艱

甚或露宿荒沙

三里至中流沙洲登洲行一里復乘舟二里

至河北岸

孟縣河隄長七里杜預建河橋於富平津在孟縣西南三十里宋時呼孟縣迤南曰萬艘潭

二十里乾溝橋憩於邨店

志稱孟縣西南二十里有全義灘

五里西號邨

有唐皇甫權墓

十五里孟縣

河陽驛

住城內行館計行一百有六里

知孟縣事懷甯王蔗香蘭森

孟縣古孟津地一稱盟公

十一年王以盟與鄭後屬晉

漢爲河內郡河陽縣

卽晉河陽城在今縣西

唐置盟

州後改孟州

在今縣南十五里下孟鎮卽後魏北中府城

金大定中築今城明

改孟縣以河陽縣并入

今城固九里西北七十里至濟源縣又北一百二十里山西陽城縣

孟縣西北二十里蘇家莊古尹軻也莊南有韓文公祠塋又城西十五里韓家莊有文公墓張籍祭文公詩有云舊塋孟津北文公銘女挈曰歸骨於河南之河陽韓氏墓公亦嘗自言歸河陽省墳墓則公固河陽人也舊唐書以公爲昌黎人則溯其郡望耳新唐書以公爲鄆州南陽人宋子京不知古有二南陽妄加鄆州二字也朱子以河陽爲修武蓋因修武有南陽故城而誤

十二日由孟縣東北行

自孟縣至懷慶一路地形較卑迺雨卽泥淖難行有別徑自縣東行

三十里招賢集二十里溫縣又東北二十里趙堡十五里大司馬集三十里武陟縣四里木藥店三十五里宣陽站

三十五里

十五里穀旦鋪唐武德時曾置穀旦縣尋廢

獲嘉縣

十五里崇義鎮

河內

唐初忠義縣也民間頗知井利

轆轤縣兩桶一

繩右旋一繩左旋力 阡陌修治遠勝河南 十里二十里
爲升降地能溉田

鋪 十里沙岡 十里懷慶府入南門住試院計行六十

里 多平 知府事江陵李香陔芳柳倚郭河內縣懷慶府知縣

事宿遷高雲帆袖海 懷慶府禹貢覃懷地商周皆爲畿

內 襄王賜晉文陽樊溫原皆在境內按郡國志引服虔曰
樊仲山所居名陽樊杜預謂在野王西南一統志武陟

縣西南有樊城樊噲屯兵處也溫今及衛雍府東北府西

溫縣西南三十里原今濟源縣西北 三國境春秋爲晉南陽地漢晉爲河

內郡漢郡治懷縣在今北魏兼置懷州河內郡隋唐宋因

之金爲南懷州兼沁南軍後復曰懷州元改懷慶路明爲府

河內縣周野王宣公十七年晉人執曼弱於野王緡在縣西

蘇忿生州昭公七年子產歸州田於韓宣陘太行山有八

之邑州子在縣東南四十里武德鎮陘第一軋關

陘在濟源縣西第二太行漢爲野王縣晉徙河內郡治此

陘第三白陘在河內北隋改河內縣城內有許文正祠墓在西北友人有言文

正不應仕元按文正生長懷州其地久非宋有使元初無

文正則中原塗炭當更甚矣或疑文正何不救文信國按

文正卒於至元十八年信國殉節在十九年

懷慶北路附

府北七十里山西星輶驛鳳臺縣屬又北經澤州府倚郭鳳

行高平縣橋輶驛長平驛高平縣屬屯留縣余吾驛

虎亭驛襄垣縣沁州以上七驛每又北七十里權店驛

五十里武鄉縣

南關鋪

六十里盤陀驛

沁縣東南

七十里徐溝

縣至此爲東達畿輔西赴陝甘大道

十三日出懷慶東門

有郭巨故里碑按巨慮子分母食何不託子於友曲爲幹旋乃欲埋之則

大傷母心不得爲孝豈可傳之丹青乎凡編訓蒙之書當取切近情理者向見某書圖畫故事首卷卽繪唐人元德秀以丈夫生乳鍾乳其猶子一事此爲理所必治沁河行無近時童子多狡以此等譌言示之無益有損

五里渡沁水坐小舟水手立水中推挽之河寬里許

出山

西沁源縣綿山穿太行而東南經濟源河內與澤州來之大丹河合又東至武陟入河夏秋泛濫沿岸多積穠稻以備搶險元明以來多有引沁入衛水之說然沁水多沙不可清董文用言沁水高於衛輝浮屠若引入衛則奉動全沁黃河躡其後害不勝言也沁水東北歧路四十里清化鎮多回回駐懷慶同知三十里新店十里恩都十五里待王鎮二十里修武縣三十里金城鎮三十五里甯郭驛屬武陟東南至

縣四十里武陟東至亢都六十里西至懷慶一百里東南至榮澤七十里

修武四

十里修武縣武安知縣事深陽王吉人爾獎計行一百二

十里修武縣周爲雍縣西文王攢茅縣北十里大陸都

陸又名隕縣西北蘇南陽諸地太行山南各邑皆晉之南

吳澤陵隕忿生田北戰國魏山陽始阜五年伐漢爲修武縣西境古修武今

及山陽縣今修武西北北魏爲山陽郡分置北修武縣治

陽東魏置西修武縣北齊廢山陽并北修武爲修武縣自

獲嘉縣移於西修武城隋大業十年移於永橋今武陟縣尋徙濁鹿

城卽青陽城漢獻帝廢居之唐初置陟州尋廢徙修武於

西修武城卽今縣治也今城周四里北至太行山志稱縣

北十里有宣聖坡孔子適晉至此而反余按水經注野王

西北有故邛城邛水東南逕孔子廟有碑云孔子旋車處

也鄒氏又云沁水過沁水縣北漢晉沁水縣在今濟源縣東北近澤州界澤州府志

同車轍在城南天井閣南逕石門爲沁口西有孔山有車轍跡然按

史記孔子不用於衛將西見趙簡子至河聞賢鳴犢舜華

之死臨河而歎曰某之不濟此命也時衛都帝邱在今滑

縣開州之間大河在滑縣北指古道孔子未濟河則旋車處

必不在滑縣以西也

十四日由修武東行縣北有七賢鄉十里鞏邨十里萬箱鋪

十里獅子營水苦人獲嘉界十里蘇章營十里獲嘉縣崇寧知

縣事天津李竹邨錫朋具食於驛館 獲嘉縣古甯邑周

爲修武

韓詩外傳武王伐紂勒兵於甯改曰修武 漢置修左傳晉陽處父聘於衛過甯往卽修武

武縣

今獲嘉城

北魏改爲南修武隋移獲嘉縣治此

城周三里南至亢邨

驛三十里又南至榮澤五十里城東北至

午刻東行

十

里彥當鋪

元和志異獲嘉東北五里同盟山武王盟諸侯處

十里歸善鋪

新鄉

二十里

新鄉縣

新中驛

飾旅店爲賓館計行九十里

路平惟炎勢內流一與如炙

知縣事松滋熊子怡年丈奉章

新鄉縣晉厥懋

昭公十一年晉

會諸侯於厥懋謀救蔡

漢爲汲縣之新中鄉武帝分置獲嘉縣

故城在今

新鄉西南

北魏太和末移治新樂城

今縣治

高齊移於衛州

其城

周其伯國今輝縣寶宇記新鄉縣下云高齊移獲嘉於其城而其城縣下又云移其縣就獲嘉古城後爲

後嘉縣白相抵隋於新樂城置新鄉縣今城周五里東南至陽武六十里北

至輝縣四十里

十五日由新鄉東行縣北十里紅土岡俗謂斜師倒戈血涼之所五里駱駝灣

十五里臨清店蓋以隋臨清關爲名十里張武店縣

二十里衛輝府住西關店計行五十里知府事甯波嚴茂

之作霖倚郭汲縣衛源知縣事遼州劉立齋體恆衛輝

府商王畿周爲衛國康叔封於沫邑今滑縣西五十里廣衛縣兼有邶說文詩序並云

在朝鄘通典新鄉西地戴公避狄徙漕元和志滑州治滑臺城東北五里白

歌北鄘南三十二里馬故城卽衛漕邑當在今滑縣東文公遷楚邱今滑縣東六十里廢

宋後大河南徙故址皆淪河中縣衛南成公遷帝邱今直隸其舊封多爲晉有明人於府南作孔子擊磬

亭不知孔子時衛都距此三百餘里也又新鄉
東北有蓬里汲縣西北有伯玉墓坑皆傳會 戰國屬魏

漢屬河內魏二郡晉於汲縣置汲郡北魏因之東魏改置

義州伍城郡移汲郡治枋頭城在府衛縣東一里後周爲衛州修

武郡治朝歌縣今洪縣東北隋汲郡治衛縣唐衛州汲郡治汲宋因之金

衛州河平軍徙共城元衛輝路治明衛輝府汲縣創置

於漢故城在府西東魏改伍城縣隋復曰汲遷今所府城

里有奇近臨衛水商船聚泊桅帆林立裕堂子寬
生長秦中見所未見子寬遇買活蝦者詫爲奇物

衛輝歧路附

府東南七十里延津縣九十里開封府○府東北十里
黃岡堡十里吉家營十五里蒼河堡十五里洪縣十里

思德塘十里大石岡十里高邨過淇水十五里打柴口十

五里宜溝驛折北十三里大碑岡十二里湯陰縣二十

里美河鋪十里魏家營十五里彰德府四十里豐樂鎮

過漳河以東
濟沒軌其險三十里磁州二十里杜邨多石十里車旂關

四十里邯鄲縣三十里界河店十五里臨洺關廣平府同知駐

此十五里搭蓮店二十五里沙河縣二十里康莊十五

里順德府十里雙羊鋪二十里龐馬店十里官莊二十

里內邱縣十五里馬峰岡十五里大甯鋪十里小呂鋪

二十里柏鄉縣十四里千秋亭六里古鄆城二十里沙

河店二十里安濟橋長五十餘步
跨洺河上五里趙州二十里新

寨二十里樂城縣三十里荆壁鋪三十里正定府合於

燕晉大道

十六日夏至由衛輝東行

稍偏東北

四十里淇門鎮縣元人河

運自封邱中樂鎮登陸東北至淇門復由衛河以達畿輔

淇水出輝縣北共山東南流至淇門西入衛河按漢時淇水入大河曹操於淇口下大枋成堰遏使東流以通漕志稱淇門全真觀內有洞俗傳衛靈公避暑處十里食於新鎮地卑下恆患水鎮東北歧路五十里

濬縣四十五里井店四十五里內黃縣五十五里晏亭四十五里大名府食後東行 三十里

道口鎮住店計行八十里道口有縣丞署額題滑濬分縣

北距濬縣十八里知縣事蒲圻但肖承弼來迓自陝省至此行一千二百八十八里沿途地主迎送盡敬並授館餐

貴各處家丁賈則行人宿旅店可任便呼應一入賓館反

多拘束窒礙且奔走風塵飲食祇宜清淡主愈情重客愈

難安仕途文勝於質類然凡寅友新薦跟丁或人員派戎

難然迫於窮雇舟三艘至通州價一百五十八兩飯喫船

百錢某

十七日午登舟 家君高八丈及保廉住一舟賓友及僕

從分住二舟甯波嚴小舫丈信厚在道口來送 三里泊

北新店連日四鼓起身當午酷暑悶人糞土觸鼻入夜蟹

蟲蟬集不得安眠憊甚登舟後如釋重負 家君作書謝

陝省諸官保廉寄輿圖館孫介眉丈信及黃河圖 衛河

出輝縣蘇門山

縣西北七里東峰有孫登嘯之百泉

有百泉書

院溪壑相承

南注三十里至新鄉西之岔河尖會小丹河

亭林幽邃

折東一百五十里至汲縣又東北至淇

入沁爲大丹河

折東一百五十里至汲縣又東北至淇

出湯洹

門會淇水經滑澹二縣

此處又稱滹水黎水經內黃會蕩水

水一名安陽

至館陶會漳水至臨清會汶水自此爲南運

河至天津會北運河

卽白河折東入海衛河自滹滑至館陶

卽西漢大河所經東漢後爲清河

漳水所經曹操自枋頭退淇水爲白

溝一名白渠水

隋煬帝爲永濟渠引沁入河北通涿郡者

也一稱卽河宋慶曆後永濟渠爲大河所經南宋時河南徙衛

河如故金元以來皆爲運道

十八日沿衛河向東北緯行 三十里潞縣西門外雲溪

橋石砌環洞五顏似江浙式樣泊舟修桅帆 潞縣殷朝歌東境武乙

紂因之故城在潞縣西七十里 一種沫邑周爲衛國縣西

十里衛 文公徙楚邱今潞縣東隱公七年戎伐凡伯之楚邱爲南楚邱在山東曹縣東南學者

多卡此說惟焦里堂毛詩補疏據班志杜注 其地屬晉有

謂二楚邱皆在漢成武縣今曹州武城縣也 漢爲河

雍榆見襄公二十三年在縣西 牽定公十四年在 漢爲河

內郡朝歌縣及魏郡黎陽縣 黎陽故城在今縣東北以黎侯寓此而名或云

漢城在浮邱山西三晉後或置黎陽郡北魏孝 或改黎州

東魏隋 或以黎陽縣屬汲郡隋初屬衛州 唐貞觀屬滑州石

唐初 宋端拱初建通利軍政和中置潞州是時黎陽仍舊治

金因之元并黎陽入濬州 朝歌魏置朝歌郡尋罷晉以

縣屬汲郡後爲衛州治

北周隋唐初

或爲衛縣

隋大業初唐貞觀時均屬汲郡

宋初屬衛州改

元廢入濬州明改濬縣

徙治浮邱山東北正德嘉靖中屢拓

城垣至萬歷時包浮邱之半於城內

屬直隸大名府

國朝雍正三年改屬河南衛輝府

今城周七里浮邱南北修長勢如行舟難踰互

邱背吐南阜於城外黎陽山卽青壇山臣瓚以爲大伾在城東南二里高止四十丈上有禹廟下有子貢墓按水經

注從康成說謂禹貢之大伾在成泉漢魏人無指黎陽山爲大伾者

濬縣東北陸路八十里直隸開州九十里山東觀城四十五里

朝城六十里莘縣七十里東昌府六十里茌平六十五里高唐州七十里恩縣七十里德州三十

二里桑園鎮十八里直隸吳橋四十里連鎮十八里東光五十里南皮七十里

滄州四十里興濟鎮六十里唐官屯五十里靜海七十里

天津府 濬縣南行二十五里滑縣折西南三十五里沙店三十五里牛市屯折南十八里黃

德集三十五里封邱十八里新午刻解纜四十里屯子
店六里渡河二十五里開封府午刻解纜四十里屯子
街衛河在濬境共一百七十里自屯子至鶴嘴當善化山
緒丁亥築隄改道善化山一名枉人山二十里老鶴嘴
寅宇記俗名上陽三山紂殺比干於此
泊計行九十里河道曲而淺知湯陰縣事東安陳子巽其昌迓
於水次縣治在衛水西五十里漢蕩陰縣也隋改湯陰縣
北九里爲紂囚文王之羑里府志以羑水爲子夏
所遊
西河

十九日東北行十六里五陵集湯陰五十里河口有支渠

窄如溝五十里泊荒灘內黃計行一百十六里知內黃縣

事歷城吳韻坡消庚來內黃商畿內地河直甲居相史
記正義引括地

志在內黃東南十三里近周爲衛之柯襄十九年會晉士
志多云在彰德府城西
句於柯注內黃東

北戲陽

昭九年晉荀盈卒於戲陽在縣北

戰國魏之黃邑漢晉爲魏郡內

黃縣

今縣西北二十里古以河南爲外陳畱有外黃故此曰內

隋徙今治明屬大名府

國朝雍正三年改屬河南彰德府

今縣城周五里郭周九里西至府南至滑縣均

一百十里西距衛河三十里

二十日

十里楚王鎮

相傳項羽殺宋義處有項羽廟因名此地舊爲河南兌漕之所十

八里劉沾直隸清豐縣界自金陵關至此共行河南境一

千二百十八里

內道口至此水路二百三十七里

又東北

七里第六店

大水漸寬

三十五里元邨集距南樂縣二十五里知縣

事廣東曾祥階廷翊來迓 三十五里有雲起恐風作泊

荒灘

內有邨名采桑鋪

計行一百有五里晚大風不雨

二十一日 三十里龍王廟北距大名府十八里大名鎮

安徽徐傳宗道奎大順廣道四川羅郁田錦文知府事長

沙陳伯平年丈啟泰知縣事歸安姚少裳定元均迓於河

干 家君登岸答拜府縣各送饌受清談者少半大名府顓頊畿內地

府屬開州西南濮陽周爲衛境衛成公遷帝邱元和志異

城卽顓頊所都帝邱字記竝以郡地爲夏觀之國按觀今山東觀城府東四十里有沙鹿山說者因指

昆吾故國在開州西府東四十里有沙鹿山說者因指府境爲晉地按王夫之春秋稗疏沙鹿在元城而獻惠之

世晉未當越太行而有寸土文公啟南陽始有今懷慶赤

狄旣滅乃出井陘而東有邯鄲朝歌然亦止此而已大名

在鄭衛之界中隔衛邢及狄晉安得遠而有之實衛地也

若卜僊之言則山崩之變大天下皆受災無德者當之十

年之內齊國大亂宋襄被執周室愈衰災應不獨晉也

戰國屬魏

府東南十里馬陵孫臏設伏殺龐涓處河漢屬南通志中牟縣西南有馬陵岡有孫子廟

東郡

治漢陽

魏郡

治魏郡

分置陽平郡

治元城

晉爲陽平魏頓邱

今清豐縣

三郡及濮陽國地石趙移陽平郡治館陶前燕慕容

暉置貴鄉郡

卽魏州城

尋省北魏爲魏陽平

治館陶

頓邱漢陽

治

四郡北周置魏州

治貴鄉

隋改武陽郡唐爲魏州魏郡

德廣

元年置魏博節度使

後唐爲東京與唐府石晉爲廣晉府

漢爲大名府周復稱天雄軍宋初因之慶厯初爲北京大

名府

治元城

元爲大名路明爲大名府

國朝因之

順治五年設直隸山東河南三省總督駐大名後改直隸巡撫徙治正定十八年復改爲直隸

總督還駐大名康熙四年又改爲三省總督八年罷

元城縣

倚郭治東偏

衛五鹿

元和志在元城

東十二里然杜預又云在衛縣西北

寰宇記一在元城一在濮陽戰國魏公子元食邑漢

元城縣

今城東沙麓旁

魏晉陽平郡治此東魏分置貴鄉縣於館

陶西之趙城北周移於趙城西南三十里孔思集寺並置

魏州

在今府東十里

隋徙元城於古殷城

今朝城縣東北十二里

屬武陽郡

唐貞觀中廢元城聖歷初重置於王莽城

在古魏州城東北二十餘里王

莽河開元中移入魏州城與貴鄉同

後唐改興唐石晉復

曰元城宋金元因之明洪武三十一年府城圯於衛水遷

今治

大名縣

倚郭治西偏

漢魏縣

府西南三十里于鄆渡西

東魏以後爲

魏貴鄉二縣地北齊廢魏縣入昌樂

今南樂縣西北

隋復置唐天

寶初徙於舊縣之北

元和志東至魏州四十里

五代晉改貴鄉爲廣晉

漢改大名宋熙甯中移魏縣於洹水鎮

今府西南八十里

政和中

移大名縣於南樂鎮

府東南十里漢樂昌縣地

金仍徙入府郭元復移

治南樂鎮明初省入元城又遷魏縣於五姓店

今府西北四十里因

洹水鎮爲漳河所圯也

建文時重置大名縣於府郭永樂九年還治

南樂鎮

國初因之乾隆二十三年省魏縣三十二年復遷於府城

漳河府西北二十里清漳二源均出山西遼州濁漳二源均出山西潞安穿太行而南至河南林縣之交漳邨合流卽禹貢降水也禹時自今林縣東北至直隸肥鄉入河漢時河南徙漳由河故道入海下迄明代遷徙分合無定大抵分爲二支一爲經流東北經肥鄉曲周冀州入滹沱條被溢入注陽一爲支流東至館陶入衛正德初從魏縣東南開家渡決入衛又十餘年自稍東之雙井入衛皆由府南艾家口東北經小滹達館陶嘉靖中大決自魏縣西南迴龍鎮入衛萬曆中復北徙運甯河故道明末館陶支流日微康熙四十五年又引漳自館陶入衛東北之流漸堙

乾隆時屢決於臨澤內黃嘉慶二十年臨澤人築隄東之
爲害益猛衛被漳逼大名境內時憂漫溢衛河元時猶
在府北明正德中始出府南府城西南陸路達衛輝詳
十六日記府東陸路三十五里小灘三十五里冠縣三
十五里賈鎮三十五里堂邑四十五里聊城二十五里王店三
十五里花平五十里野雀窩五十五里長清縣三十五里
楊家店三十五里東省城午刻自龍王廟東北行十三里趙家寨

十二里岔道

二十五里小灘鎮

元城知元城縣事諸城

王西林雜藩來送三十里泊衛家淺入山東境計行一

百一十里

以上行直隸境水路一百八十七里

二十二日

三十五里南館陶邨

舊縣治也陸路東北至縣四十里

知館

陶縣事吳縣沈雲莊廷翰來竝送正氣丸臥龍丹二十

里李家園

十里避風於羅頭邨計行六十五里沈大令

遣練勇更夫來日前運河道者公在水次遇盜受傷云

館陶縣晉冠氏邑舊縣北有陶邱趙置館於側漢爲魏郡

館陶縣魏晉屬陽平郡石趙陽平郡治此後周兼置毛州

隋廢州以縣屬武陽郡唐復置毛州溝洫志自塞宣房後

爲屯氏河東北經魏郡清河至章武入海元帝時河決貞

清河鳴犢口而屯氏絕後人誤屯氏爲毛氏因置毛州

觀初廢以縣屬魏州五代時徙縣於今治東南距東昌府

熙四十五年儀封張清脩爲濟甯道以衛水弱不濟運引

漳水至館陶西入衛意在分漳濟衛不料全漳入衛漳水

故道遂淤漳衛合流恆憂泛溢蓋北方地勢不平水流迅

急旁開支渠水減則支渠不久卽淤水漲則有奔瀉之虞

所疏九河已在入海之處南人論治河輒謂多開支渠實

屬拘墟之見或又云井田廢而河患亟不知後世農民數

倍夏商隴畝豈無溝洫惟溝洫止能使未入大河之水暫

時停蓄不能將已入大河之水分支旁引地多凹凸溝洫

雖多未能終年霽水大河左右縱皆實爲井田所分之水
幾何古時河道深廣有餘地以聽水之漲落山多林木沙
土不隨雨水而下故川流無阻後世山皆墾闢沙土渾流
易致淺窄人煙稠密與水爭地河患斯亟水增河窄則流
猛易潰當徙民以寬之水減河寬則流緩沙阻當去淤以
深之築隄束水逼逼攻沙以治其淤隄外潛隙地十餘里
其險者築縱橫重隄如城有郭以治其潰每年秋水消退
探濬尾閘久之自可收效今勢不能徙民又不能別籌巨
費於歲旱水淺時預施人力秋冬任其淤墊春夏則爭一
綫危隄不幸而決田舍蕩然此塞彼溢正無已時聞近人
有議徙山東瀕河之民於吉林以讓水者是或一道畝
又按築隄束水以攻淤祇可施之黃水急流耳保定清河
地平流緩近來隄益多水益滯夏漲
頻潰皆執一而不察形勢之弊也

二十三日 三十里館陶縣城距水二里 三十里傅家

頭 十五里尖莊距四十里弔馬橋 五里大營去年衛

水溢毀田廬 二十里泊東窩村右岸多柳陸路距臨清

五里計行一百四十里夜半驟風閃電不雷船蕩甚加楫

添繩幸得無事良久乃雨嗣是每宿必囑水手加楫焉

會通河在臨清城南卽汶河出泰安府新泰縣西流至汶

上縣元人引支渠北至臨清城西合衛水以濟運謂之會

通河明永樂九年尙書宋禮築戴村壩遏汶使無入洸元時

汶水入洸於是全汶自南旺湖汶上縣西南宋與梁山泊合周三百餘里明時周九

十三里國初周六十餘里後入運三分北流七分南流

今與隋之永濟渠統稱運河運河亦曰漕河北起畿東南抵浙江合衆水以成流自通

州東南三百二十里至天津爲北運河皆潮河白河南流

之水也天津西南九百餘里至山東臨清爲南運河皆漳

衛二川東北流之水也臨清南五百里至濟甯魯橋關皆

汶水也汶水自南旺分流北流者經滾壩合趙王河支流

及沙河以達臨清南流者合泗水經濟甯縣以抵江蘇
界昔曰山東運河自魯橋南流三百餘里至邳州御口汛
則汶泗下流及濰河之水也湖口南流三百五十里至清
口入淮則沂水下流及微山湖駱馬湖諸水也截淮而南
四百里至揚州入江則引洪澤湖高郵湖諸水也截江而
南五百餘里至浙江之秀水則北分江水南引長蕩湖太
湖諸水也自秀水西南二百里至
杭州則舊雷諸水東北流者也

臨清運河自城東南五十一里張官營

清平縣西境

三十七

里梁家淺

堂邑東博平西

四十二里通濟橋

東昌府東門

六十五里

古東阿城

陽穀東北五十里

二十四里張秋鎮

東阿西南六十里

三十

四里戴家廟

濰黃河

三十里安山鎮

東平州西十二里

八十一里

分水口

汶上縣西

三十里小長溝

嘉祥縣野交界

十八里通濟閘

鉅野

東

三十四里飛虹橋

濟甯州南門

五十四里魯橋十八里南

陽關

魚臺東北

六十八里王家口四十里夏鎮

浦縣東北四十里

十里彭口

滕縣東南

五十四里韓莊

嶧縣西南

六十里頓莊三十

八里梁王城十里沭溝

邳州西北三十里

三十里徐塘口五十

里窩溝

邳州南

四十里阜河口

宿遷西北四十里

三十五里駱馬

湖七十五里古城

桃源西北

二十二里崔鎮三十里河北鎮

六十里中河口

清河北

八里清口

黃河入淮處

二里馬頭鎮二

十三里清江浦

馬頭至清江中經四開水面相懸數尺船如櫓下行者多自馬頭登陸令空船

過

二十六里淮安府五十里黃浦口

寶應北二十里

六十里汜

水鎮八十五里高郵州六十五里邵伯鎮四十里揚州

府五十三里瓜州鎮

渡江

四十二里丹徒口七十里丹陽

縣九十里常州府一百里無錫縣九十里蘇州府四十
五里吳江縣四十五里平望鎮二十七里王江涇二十
七里嘉興府九十里石門縣五十四里塘棲鎮五十四
里杭州府

二十四日自東密東北行 二十里臨清州西關城守協
濟南萬松山年清知州事陽湖陶銓生錫祺及都司州判
諸官均來 三里北關衛河至是合北運河南運河貫船城來會

戶皆臨清人各有瑣事復停橈作家信 臨清州漢爲魏

郡清淵縣州東南五十里晉屬陽平郡後魏析置臨清縣州西四十里

唐省清淵晉隋二志作清泉唐人避諱也宋建炎中河決移治曹仁鎮州南

八明初北徙於臨清關景泰初築城於會通河北移縣治

焉宏治中升爲州正德中築西南新城嘉靖間復拓之跨

汶衛二水

周九里有奇乾隆三十九年逆匪王倫之變山陰俞蛟遊幕臨清請毀西南二門外民舍有司

不可後賊藉民舍爲障蔽城上不能擊余按城外市廛精

華所萃毀之病民未亂自潰且城內不能容多民宜於市

廬之外擇要築溝壘相犄角近日機砲遠及數里炸彈猛

烈舊式高牆大樓無一可恃西人所以撤毀城郭於郊外

廣築暗砲臺及地阱升降之砲遙遠聯絡有連城之勢余

曩在家見鄉鎮賽會演戲歲耗巨貲曾言若移此款爲武

備之用積之十年二十年每鄉皆可作新式溝未刻解纜

縣計行九十里

北上 六十七里泊油坊鎮一名夏城寨

東屬山東夏津縣西屬直隸清

二十五日 五十里武城縣西知縣事合肥丁錫五福昌

來 武城漢清河郡東武城地故城在直隸清河縣晉太康中去東

字隋改曰清河別置武城縣今縣屬貝州清河郡唐移永

濟渠西宋大觀間衛河決徙今治宋金屬恩州元明屬高唐州

國初屬東昌府乾隆四十一年改屬臨清州縣西舊有子游祠按子游

所宰武城史記正義謂是秦山郡南武城今沂州費縣也午雷雨推蓬遠眺濃雲如墨

祇見萬點浮漚相爭須臾間申刻霽復行碧樹映波青畦

飽澤矣 二十五里譚家莊 十五里甲馬營泊計行九

十里

二十六日 四十八里竹竿箱武城以上行山東境四百三十三里五里鄭

家口鎮故城三十里防壑屯 三十里泊故城縣東南知縣

事歸安沈啟菴晨初來遊計行一百十三里

河東北間故有恩縣境

城漢信都國麻縣

今縣北

後漢廢隋唐爲長河

州今德

歷亭

今恩

城

西縣二縣境元置故城縣

西北三十里董學邨仲舒故居也與景州廣川鎮毘連明初割屬故

二十七日 三十里四女寺鎮

以上行直隸境九十五里鎮屬山東恩縣一名四女

樹相傳漢時有傳長者生四女因無兄弟守貞養親共植

一槐於此故名

明宏治中鑿四女寺支河至九龍口達

鬲津河卽俗稱古黃河者以分運河之漲

漳水復由館陶入運

臨清迤北以一綫運河受漳衛汶三

大川泛溢益甚於是建四女寺減水閘雍正乾隆時屢疏

鬲津故道至海

豐縣入海咸豐中復淤同治以來運河迭

決於德州吳橋東光諸邑光緒十年御史吳橋劉恩溥奏

請重濬德州之哨馬營

恩縣之四女寺減河復舊制以殺

盛漲直隸山東督撫會議以哨馬營減河久淤宜專力於

四女寺奏委候補道金福曾司其事自開口至九龍廟爲

減河十六里達於扁津河又東三百十六里至海豐之新
集達於宜惠河之尾以入海扁津有故道可因餘皆挑濬
凡土方一百三十萬費銀十二萬四千兩新開十里畫兒
寬八丈爲孔五運河水漲過閘底四尺則啟閘十里畫兒
樹德三十里德州西關副將趙子岑德華知州事福州何
秀臣式珍來迎城守尉樂夢占樂福行寄請

聖安禮 家君入城報謁張朗帥差弁送信來

論新疆南八城裁撤

同日伯克改設佐貳貪黷無異伯克不如仍復舊制云云
竊按回疆伯克向授職銜尊榮等於土司自奏裁後改稱
鄉約然雖回仍以伯克呼之漢官不知總回之語言文字
非假手鄉約不可鄉約魚肉其下寃咎於官官之來源不
澄大半窮貪方倚鄉約爲利藪是故未設州縣之前回民
仇視伯克猶其同類也設州縣後多一剝削而怨皆歸於
漢官矣取內地漢民脂膏經營異族營務處委員張梅航
已得不償失況復沽怨於彼耶傷哉

廷楫自濟南來 德州春秋齊境漢平原郡安德縣西境

漢安德今陵縣隋置德州兼平原郡治安德析置將陵縣今德州東唐因之

元和初移長河縣治白橋在永濟河西岸十年又東徙於小胡城

今德州也五代周廢長河宋徙將陵治長河鎮屬永靜軍州即景州

元改將陵爲陵州屬濟南改屬河間路明初降陵州爲陵縣尋廢陵

縣遷德州治之又改安德縣爲陵縣屬濟南府要之隋唐

宋金元之德州均治安德今之陵縣也今德州實古德州

之西北境而古將陵陵州陵縣地也

德州歧路

州東南五十里曲陸店五十里二十里鋪平原縣東五十里

禹城五十里晏城鋪二十五里齊河渡黃河至北店長清

境又南三十五里杜家廟四十里固山驛一十里張夏

鎮

長清東南六十里店臺府東南距泰安五十里

折西南六十里

中過新莊

嶺下章郝六十里陳家店五十里甯陽三十五里高魯

橋

兗州西

五十五里濟甯州

又自德州正南四十里苦

水鋪三十里恩縣七十里高唐七十里茌平六十里銅

城驛四十里

中過黃河

東阿折東南十二里南穀鎮

即東阿舊縣

二十里陽穀店三十五里東平六十里汶上五十里新

嘉驛四十里兗州府

禹貢屬徐州東南距今江蘇徐州府三百五十里

自德州

西北二十里劉智廟四十里景州三十里漫河鎮二十

里阜城四十里富莊驛

交河西

三十里單家橋十里獻縣

三十里商家林三十里河開府

申刻自德州東北行 四里北倉

明永樂初建倉爲山東兌漕地 六里哨

馬營

雍正十三年遷撫岳壽請於哨馬營開支河東至曹州城藉北輩

州城藉北輩 迤北又名百草窪 二十五里泊老君堂計

行一百有五里

二十八日 三十五里桑園村

屬德州陸路距州四十里舊設良店水驛以上復行

山東境一陸路距直隸吳橋縣十八里勞玉初外舅遣僕

備輿馬來迓午刻 家君挈保廉至吳橋拜見玉初外舅

計行水陸五十三里自陝省至此共二千三百六十八里

內道口至桑園水路 保廉前室許氏前年沒於家今春續

一千有六十二里

聘桐鄉勞氏因東來之便至吳橋完姻媒人係丁季華何
退菴兩丈丁丈先期來此何丈已還浙託餘杭章君受生
代爲招呼

二十九日辰

家君至連鎮下舟

北門外四十里

昨登陸後舟復

行六十五里泊連鎮也保廉館於學署留僕張祥攜書笈
衣箱各二寄惺存弟信囑將一切轉稟 家母并附日記
六月十一日癸卯酉刻詣吳橋縣署成婚儀者黟縣胡紹
錢彭壽會稽吳少堂汝舟贊禮者寶坻王霖臣殿輔儀徵
阮儀伯觀傳諸君

十二日拜見申甫內叔祖曲阜孔晴甫內母舅慶霽及諸

親戚徧謁各幕賓

十五日寄呈

家君稟函

言媳婦不便同至塞外

十六日報謁前任吳橋縣知縣阮孝同恩光

文達公孫也東援勞氏姻

誼來東稱姻愚姪孝同之弟爲吳江陳阮白姑丈之姪婿余與孝同爲平輩然孝同年已七十余不便認極遠之姻誼與彼抗禮因認家君吳橋縣漢平原郡安縣渤海郡同寅之誼東稱世愚姪

重合縣地

故城在縣南三十里

後漢廢安縣晉改置東安陵縣

記在

宋安陵縣東七里舊志今縣西北二十五里衛河東舊場店南里許漢晉故縣也

與重合同屬渤海

海石趙改安陵北魏正平初省重合入安陵太和中復置

重合後屬滄州安德郡高齊廢重合安陵隋開皇六年重

置安陵

隋地志無元和志有寰宇記謂在宋安陵縣東二十二里新郭城

屬冀州後廢唐

初復置於宣府鎮屬觀州

治弓高今東光縣西

貞觀中廢觀州改屬

德州永徽初徙安陵治白社橋

寰宇記永隆二年移於柏杜橋卽今理

舊志白社

橋在景州東十七里衛河西岸今安陵鎮元和本縣地余按隋唐舊縣卽漢修縣景州志漢修縣故址在州南十三里舊縣碑在州東九里孫星衍京畿金石考元至大中得修縣城碑在故城縣北二十里廢修縣城

中景福時安陵屬景州

治弓高

尋復屬德州宋有吳橋鎮

州景祐初省安陵入將陵

今德州

金置吳橋縣屬景州元明

因之今屬河間府

在府東南二百四十里西北距景州四十里城周四里有奇多圯裂志稱城內

有明范文忠且廟故址無可訪矣

隔津河古九河之一在縣南里許亦名

吳川其南爲漢高縣

今陵縣北

東北逕甯津鹽山慶雲海豐入

海俗稱老黃河

按大名崔述唐虞考信錄曰九河之跡遍典寰宇記等書所指多在今德州濟南之

開直大陸以東經文當云又東播爲九河不當云又北播爲九河矣且漢人僅知其三更歷千年宜益加湮塞而唐宋人所知反倍於漢人有是理乎蓋魏晉以後河日南徙旁決分流所在有之學者遂附會之以爲九河故道此皆強不知以爲知蔡傳非之是矣然據王橫言九河已湮於海其說亦不經秦漢以上載籍固多缺略然海溢至數百里漂沒國邑民居不知幾何非常大變傳記豈皆不載既不之載橫何從得其說乎永平之南海岸南北相距僅數百里果去北岸五百餘里則山當在南岸何由復在海中九河果自今渤海岸東北斜行以趨永平則入海時已抵北岸何由復至碣石之下且以碣石爲河入海之處出入瓚之說非經意也經之夾石碣石自記海道所經非與入于河相連爲文凡貢之入河未有記其山者有常地也唯導河乃誌其山重河防也今碣石不誌之於導河反記之於貢道其非河口之山明矣然則碣石卽在海中尙不足爲九河之證況不在海中乎由是言之謂九河之尙存與九河之悉淪者皆非也鄭康成以爲八流皆塞說獨近是然謂齊桓塞以自廣則誣朱子與蔡氏據孟子曲防之禁駿之固也然卽使桓公無曲防之禁此八流亦非一時所能塞乃水勢與人車積漸爲之耳蓋水盛源遠挾沙必多

旁出之派停沙尤易荷有沙澗斯川之矣以余耳目之所聞見河北諸水故道之在百年前者皆斷續零落甚有今歲暢流明歲已爲平田者況自禹以來數千年九河之道杳不復存乃其常事說者俱未言及抑下帷日多未嘗躬履水陸莫知其故耶今大陸以上及逆河合流之道其澗且大者尙無遺跡況九河之狹且小者乃欲歷歷求其道乎開州城南唐宋時大河故道也其地高於旁者數仞州民謂之南園但中有微門蓋兩岸有隄日久沙與隄平故爾人亦不知其爲河也此數百年前之全河已如是況數千年前之分流乃欲強求其所在不得則曲爲之說亦可謂不達於事理矣

七月十八日庚辰偕內子織文由吳橋赴天津玉初外舅同至津沽內母舅晴甫和甫內弟闡文赤文及諸親友送於門午刻出北門

疏耕玉黍高穗拂車豐收可卜矣

二十五里安陵鎮宋

安陵縣地也鎮瀕運河下船船三東北行微風不波晴川

送爽 二十里黃家園口 二十里泊連窩鎮咸豐三年

圍剿粵匪處兩岸有遺壘計行六十五里

十九日 十五里大龍灣 十五里馬頭鎮東光縣西三

里漢渤海郡東光縣在今縣東二十里高齊移於陶氏城

今縣東南 隋又移於東魏廢渤海郡城卽今理 十里油

房口 十里下店口 二十里泊頭鎮 西距交河縣五十

大市集也 河東屬 十八里齊家堰 南皮縣西北二十

里薛家窩 舊有化城 二十里馮家口 十里磚河鎮 滄計

行一百三十八里 明宏治中開磚河以洩衛河泛溢之水

滄一百二十里東北會石 磚河至歧口入海今堙

二十口

十六里興隆鎮

風利不得泊據傍人呼此名疑卽捷地鎮

十六里滄

州西關列市駢闐旅帆絡繹水陸之衝也

滄州周燕齊

二國境漢勃海郡治浮陽縣

州東南四十里自唐迄元爲滄州城

後漢徙郡

治南皮晉因之北魏分置浮陽郡

治浮陽

後兼置滄州治饒安在

舊滄州之南距今州一百二十里

隋開皇中廢郡改浮陽爲清池縣大業

初廢滄州改棣州爲滄州

治陽信在今山東陽信縣南又漢陽信城在海豐縣東

尋

改勃海郡

徙於清池

唐初重置滄州

移治饒安又移胡蘇貞觀初還清池

天寶初

改景城郡乾元初復故

後兼置橫海軍

宋金元均有滄州

治清池明

廢清池徙滄州治長蘆鎮

北周有長蘆縣隋開皇初置滄河郡尋罷十六年置景州大業

初廢唐初又置景州貞觀初廢舊城在永濟河西開元中避水移於河東宋廢縣爲長蘆鎮卽今州治也

國初屬河間府雍正七年升直隸州九年降隸天津府

周城

八里南關有包孝肅廟按包公長子總爲潭州通判早卒
晚得子縱宋史有闕節不到闕羅包老之語後世遂以闕
羅屬包公然隋書韓擒虎傳云生爲上柱國死作闕羅王
則闕羅之目由來久矣又按張祥雲撰包孝肅奏議序公
遺像和露溢於眉睫無外間妄塑非常狀云 滄州多回
回與漢人雜居絕無嫌隙燕齊豫等處回族散布均能相
安漢回之世仇不解者莫如陝甘而河湟尤甚爾虞我詐
真危地也豈無善良迫脅牽引陷入叛黨罪名難辨情殊
可憫回族不少富厚蓋藉筮仕經商之便於據關連東各
省擇地遷居勢分則漢人不疑否則新疆南路奉教相同
非若在秦隴者人人得誣爲叛黨富回尤爲可危舉室以
行所損者小而所全者大惜彼族之罕有遠識也 滄州
歧路渡運河西行五十里杜郵四 滄州北行 二十里花
十里沙河橋四十五里河間府

園兒 二十里興濟鎮宋爲清州范橋鎮金置興濟縣

明宏

治中開興濟減河以分運漲木
朝雍正乾隆時屢經疏導今壞

國朝順治六年廢入青縣 十里周官屯 十五里青縣

漢參戶縣

今縣西南三十里木門都

後漢廢屬浮陽唐末置蘆臺軍

今縣

東改乾甯軍石晉時陷於契丹置甯州周改永安縣宋復

爲乾甯軍乾甯縣徽宗時改清州乾甯郡金改乾甯爲會

川縣明廢縣降州爲青縣

舊志稱縣南七里有盤古墓傳會可晒縣南二里中山俗呼高

土國宋時以黃河所經鑄銘其上據爲禹貢之碣石謬也 二十里蔡家窪 十里馬廠

汎盛軍舊壘長四五里垂楊甚密令人思細柳軍容 十

里泊流河鎮

青縣

計行一百三十七里

二十一日五鼓發樞人聲喧阗不能安枕推窗拭目宿霧

迷岸殘星映波坐盼曙曦良久始得辨色見江南漕艘連

橋經此皆高懸白旗朱書天庾正供四大字榜人倚眾猛

悍

向來民舟最畏清船擁擠時時避讓若不幸碰撞卽被訛詐或縛人勒贖押運委員安坐艙中付之不見也

二十里唐官屯

東北陸路一百里小站三十里楊河莊五里北塘六十里蘆臺六十里盛家營五

十五里施各莊四十里高各莊三十里樂亭縣

十里釣臺

靜海

十里陳官屯

二十

里雙塘

十里靜海縣城西

靜海縣漢勃海郡章武縣

故城在今滄州東

晉屬章武國北魏屬浮陽郡隋改魯城縣

州東北七

里唐改乾符縣

州東北一百里

五代周并入清池金以清州窩子

口置靖海縣明改靜海

二十里獨流鎮

產醋著名與鎮江埒

二十

里新口

二十里楊柳青

天津

計行一百三十里楊柳青古

柳口也北臨淀水南枕漕渠輪帆湊集塵市殷闐

其民有業給事

者販傳四方間有淫童難禁之不絕俗好遠遊自蒙古草
地走新舊伊犁者以千計去年饑東大水陸地可舟水
漫之處今年禾稼倍茂因悟蘇浙農民恆掉舟沿河兜取
溺泥入田近城市處其泥尤佳貧者借舟鄰人通力合作
洵肥田良策兼可疏濬水道惜北人不諳此法近聞德州
人知離地經河泥培壅多變青腴竟有偷掘隄防害及鄰
封者惜而且刁莫此爲甚今天下財賦首推蘇松常杭嘉
湖蓋人力之勤遠勝北人也余嘗審察北人之種田鹵莽
滅裂未盡地利吾鄉墾田用四齒鐵搭每壑必起土七八
寸北人無鐵搭每壑僅起土三四寸南方土性黏北方土
性疏猶惜力如此大費深耕之義一不及也吾鄉婦女間
亦力穡北方婦女不能力穡而農夫在田間身衣長衣足
穿戰靴其意若恐泥焉不能奮力可知二不及也吾鄉非
小康之家不畜牛耕耘全憑人力北人則無論貧富苟無
牛馬卽坐視良田之荒蕪三不及也蘇浙之閒當盛夏水
涸以龍骨車輾轉運水更迭應役晝夜不休北方有所謂
靠天收者下種之後聽其自然平衍處可挖溝掘井者罕
能經營四不及也吾鄉收穫時一擔兩巨細往來健疾北
人則一筐之物扛以兩人或且載之牛車并肩挑背負而
省之五不及也人力如是安得不困禹貢揚州厥田下下

今反上上地利視人力爲轉移大禹有不及料者

二十二日東北行 十五里曹家莊 十五里至天津泊

茶店口

吳橋至此五百里內陸路二十五里

進東門謁清軍廳桐鄉馮少芝

交余家信三封不如意事居八九往會文書院訪松江謝

芷訪同往遊紫竹林晤沈君小夢至新園茗話津沽互市

處五年不見番族蝸廬增建益多矣下午回舟內母舅孔

雲甫慶霄來

天津府周燕國境兼有齊無棣

今慶雲縣南 漢

勃海郡章武縣東北境唐宋滄州境舊名直沽元延祐三

年改爲津海鎮至正九年立鎮撫司明永樂二年設天津

衛屬河間府

舊志天津水邊關名在良鄉縣北百餘里自永樂置衛其名遂移於直沽

萬歷二

十五年以倭陷朝鮮設天津巡撫天啟初熊襄愍建三方登萊三巡撫互爲犄角兼轄朝鮮時余族祖元暉公巡撫登萊詳治水軍以達朝鮮在任僅數月爲閹黨所陷與楊左諸君子同被害事詳方孩未李中書錢衍石諸先生文集勃海形勢能守遼瀋登州則畿東方安襄愍之計深合地理籌海者所宜知也

國初設關置總兵雍正三年設天津直隸州以河間之靜海青縣來屬

九年升爲府以滄州南皮鹽山慶雲來屬並設天津縣

二十三日孔幼雲繁淦來申刻家君自京師來泊舟三河口李閣部及天津鎮吳掄峰殷元長蘆鹽運使李士周邦楨天津道胡雲楣燭芬海關道劉獻夫汝翼諸公至河干行請

聖安禮畢 家君往各處拜客進城住浙江會館 南運

河合漳衛之水東北至天津城東三汊口

卽小會北運河直沽

折東爲海河

卽大直沽

又東至大沽入海北運河卽潞河一曰

白河出宣化府獨石口水經謂之沽河東南流合赤城水

龍門水盤道河由密雲縣北之白馬關入故曰白河折南

合潮河

古鮑邱水也出承德府豐甯縣西

七渡河

出懷柔西北

至通州會沙河

水經之澤餘水訛作溫餘

通惠河

出宛平西至玉泉山名玉出昌平州西北八達嶺

河又名龍河

出京城南海子

爲北運河元人謂之通會河南至武

清縣會鳳河

出南海子

又南至天津與南運河淀河會淀河爲

東淀下流受桑乾源沱諸水東至三汊口入海河海河自

三汊口至大沽一百二十里合畿南大小七十餘水以達

海時虞泛濫康熙三十九年因武清縣筐兒港之決口開

爲減河東注塌河淀

港距淀六十四里淀東南有小河通七里海

由賈家沽入

海雍正中於河西務上流青龍灣開減河注七里海

寶坻東南

一百三十里其西北曰後海又北爲鮑魚淀香淀其東南曰曲里海已大半淤涸至北塘入薊運

河達海以分北運之水乾隆初移青龍灣石礪於王家務

引河抵七里海長一百十五里

年久多淤同治十二年李督部委員濟金

鐘河自塌河淀下達北塘光緒七年以後又於北運河東

重濬筐兒港王家務減河於南運河旁闢靜海新官屯減

河於天津城東海河旁闢陳家口減河使能常加修治值

盛漲時可稍資宣洩惟畿南諸川受病已久若將德州之
哨馬營滄州之捷地青縣之興濟舊減河三道東西淀昔
寬今窄處大陸甯晉二澤佔爲圃田處及大沽淤塞處廣
爲疏濬俾胸腹宏而尾間暢早有蓄而潦有洩豈不美哉
或曰沽口淤沙可阻洋艘其勿濬便不知自遼瀋以西迄
青滄之南處處可泊海船獨塞大沽一口卽有神於大局
耶

二十四日 家君報謁各官保廉搬住浙館已刻遊杏花
邨輪船馬頭喚小舟渡海河至武備學堂投刺於總辦所
門者云出門矣投刺於提調廕五樓弗見

余前年客此諸
君方爲教習屢

相見今復過門理宜通名執意廢君不復記憶蓋疑爲遨遊干謁者矣至西院詢諸教習丹

徒姚君石荃在室中聞聲知爲余邀入晤談渠方衍堆堞

術託覓哈乞開斯槍圖至帳房晤安徽汪君晴山出遇總

辦聯子振於門立談數語而別牆外新柳百餘株已繞屋

扶疏樹木固易於樹人也論者謂武科若改火器風氣自

如此人人可作武童卽家家可藏火器大亂之道也論者

又謂閩粵械關多持火器禁令本同虛設不知禁令雖虛

購軍火者猶自知爲私事倘擬以火器習武則明目張膽

假公濟私縱令比鄰具結州縣稽查徒增騷擾難別莠良

釀禍之烈將十倍於械關矣況武備所資不專在火器發

礮命中豈得遂爲將才夫天文地理各國軍械水陸兵法

非得中外名師益友訪掖觀摩不能通知奧窔耕夫牧豎

在草莽中合羣肄習爲害有餘禦侮不足此學堂之宜設

也必矣竊意弓刀石舊例可一律罷棄於綠邊塞江海諸

省各設武備學堂一二所非在堂時不得蓄火器拔其尤

者爲武生武舉十餘省學堂所養之材堪備二十餘省之用其偏僻省會有志習武者附於鄰省不必一一設武學務令仕途寬綽勿好名貪多致沈滯鄉里甘爲土豪嗚呼吾中夏之病根半由於好名貪多豈第武科然哉天下事成敗在人人之成敗在心心術弗良變法奚濟近人病八股之空虛競議以天算輿地時務等策論試士然革而易洗心難恐抄襲敷衍微倖迎合甚或營謀關節一切弊端仍無少異主試者果具特識拔十得五原未嘗無真知天算輿地時務諸學者出其中然此輩往往鄙薄老成放浪爲高舉事疏略鮮克有終或華華爲利材堪濟惡忠言詐行貽患無形不正人心徒求人才其弊必至此也廣學校減中額亦爲正人心之一端議者動謂以科名鼓勵人才愚獨謂人才未必樂赴科名卽以算學論近時咸推海甯李善蘭金匱華蘅芳桐鄉沈善蒸爲優之三人者惟絕意科名始臻絕詣耳科名愈盛人才愈絀卽如習藝文者榮以繙譯舉人進士之名遂轉等於正途旗人宜無人不不知滿文矣乃十不得一二以是推之專假科名以誘人舊法弊新法未始不弊也

二十五日

家君往機器東局竝拜紫竹林營局諸官余

出城遊眺循海河獨步遇常熱殷君衡憩於茶肆聞東南各省焚毀教堂甚多下午偕人往英國福音堂一觀內有義塾童子十餘人論語孟子與彼教之言雜置案頭有師張姓者縣人自稱讀書且應試問何以來此曰貧也每見華人從洋教者大半輟得小利或欲倚教黨以抗官吏扶其病本亦由仕途久難爲輩設得非一朝一夕矣竊嘗謂老氏有乘龍上天之說釋氏有極樂世界之說耶氏有死而復生之說漢竿爲德有戰死爲神天女侍奉之說庸人好聽謠語樂於受欺惟孔孟不欺人不說謊信之者遂寡斯卽直道難行之謂乎然耶氏成侵奪傳教之徒猶有碑碑自好者至其將士之於彼教面從心違日謀侵奪滿腹殺機耶氏亦無如
何矣

二十六日率內子叩見 家君給以長生無極氏常硯弟子規孝慈叢書下午 家君往府署飯余作家信

二十七日同鄉文武官二十八人來館中設筵爲 家君

餞別余避客出遊至文美齋購書籍又至格致書室購算

學輿地時務各書數十種余未攜僕人亦未帶銀錢擬託掌櫃令其往送至寓所取價

攤不肯云前者有書生購算學時務等書使吾徒負往取

銀來始知順鼎居半復往訪之則杳然矣近日遇講時務

者不能不謹慎也余聞之喟然乃約渠明日遣人攜銀來

取豪傑貴識時今者萬里戶庭不能不究心洋務卽不

能不略知洋文此勢之無可如何也乃偏嗜西法者謂華

文不便可廢棄專用英文則不思之甚矣皇古以來中國

文字亦屢變考其沿革之故皆由繁難趨簡易今華人通

用之措書爲天下最易學之文以英文較之有十二難焉
說文部首凡五百四十字典部首凡二百一十六偏旁多
別則相从成文形象各殊不易混淆英文以二十六字母
互爲偏旁其字數萬而偏傍止於二十六無論如何配合
形象皆相似易混其難一華文一字止讀一聲英文字母
中卽有一字須以三四聲連讀如一句者其初苦於字母
太少不啻字母而強增文字於是以字母一一連綴甚有
以十餘字母拼成一字而一字須連讀七八音者幼童讀
英文一字抵華文二三句其難二華文一字一格方正畫

一英文短者如一團長者如青蛇一字論寸參差不齊作
一英字抵華文數字華文一卷譯英文必數倍之其難三
華文變音作國識別之一字不過變三四音四角作識一
曉可知其一字變七八音至十餘音者其少英文記號識
別繁而不扼要於變音之字無簡明記號除字典外尋常
印本多無記號且一字本已連寫多母本常連讀多聲再
以變音之字母數箇其間政齒卽易錯誤其難四英文
之母多者或有母無聲其無聲之母或在首或在尾或在
中央無定法無記號動易迷人其難五華文論事物之有
多則加一多字或少字或數目字或等字可矣英文遇
多散於字末加愛司或加衣愛司或加衣提或變其字母
或遇少數亦用愛司餘若代靜字繫動字之類章法繁多
其難六華文於人已之別以人已彼我等字判之而下半
句仍同如我是爾是他是之類英文則不然如我是則曰
阿哀阿姆爾是則曰開阿耳他是則曰黑依一司倘說我
是而曰阿哀一司卽爲不通同一言也而人已不能通用
其難七華文於行事之現在或已經但於句首加兩字如
現在往或已經往是也英文則現在與已經其語全不同
大半分六種有將來有現在有過時有已經又有將來之
已經有過時之已經同一事也而措詞屢變其難八華文

轉折求獲多挺接拋轉不必用虛字縱用之不過曰且日
 然後等字仍以少川爲貴英文或有句句用且字者甚有
 用阿恩誇我恩者猶言又然後也例以華文爲大不通其
 幾九華文於事物之歸何類讀何音諧聲會意一望可知
 如錫則金類易音編則木類同音恕則心類如音朴則手
 類卜音不煩思索而音義皆得英文雖有諧聲不以類與
 音相拼雖有含意不似中國偏旁訓詁之簡其字形與其
 物類皆毫無關涉無可類推專恃強記其難十華文多順
 理成章其倒講者絕少英文大都倒講如日爾若干歲則
 日滿哇而奪阿爾爾譯之謂如何老是你也又如
 英國君主名維多利亞則曰躋乃姆威克多利亞譯之
 音感福格來帖伯利敦一司威克多利亞譯之
 爲此名之此君主之英國是維多利亞也如農爲四民之
 一則曰法墨爾司阿爾溫惡福躋福兒譯之
 謂農人是一此四也有從尾倒至首者有從中央倒向兩
 旁者每句既倒每段之中又首句與末句顛倒方欲默記
 其倒忽偶有不倒者雜出焉情悅不可捉摸其難十一華
 文議三四千可強勉應世英文議五六千不足用至少須
 一二萬此一二萬多母之字之音足敵華文七八萬言洵
 窮年莫殫矣其難十二然彼俗競稱爲易者彼之文字同

於語言讀書無殊聽話故能言者卽能觀書然祇易破所
易豈可概諸不諳英語之華人哉華人學英文如爲未通
華文之幼童耶則先入爲主喜洋厭華於倒行逆施之句
習慣自然雖欲求通非文勢有窒礙其於繙譯猶皮相耳
如爲素工華文之書生耶久以順理成章爲安當習英文
時亦必欲句疏字析一一注其字義字義既明卽病其成
句之顛倒矣卽納於出話艱於握管矣自非天生異質腦
筋中別具能力如曾劬剛汪芝房諸人斷不能淹貫中西
此下萬人不得一二者詎可以例什伯庸衆耶無已則先
習其語言不問其文字則不知其顛倒較易強記語言稍
通然後以言習字能粗知書寫爲止否則英文必十年乃
精若俄德法和意奧丹國國而學之絕詣未臻耄期已屆
矣今之欲廢華文者病其與語言不合也果爾當先改天
下之語言此何異拔山塞海非所謂無事自擾者乎況華
文何嘗不能與語言相合如
聖諭廣訓衍說及閩人陳澹論語話解之類皆明白如話
文與言欲離欲合在作者一疑思間耳何用更張爲乎言
者又以西人化學名目中國多無其字因病華文之未備
不知說文字典金類石類等辭字尙多謂之不用不識則
可不能謂古人決無其字也要之文字以簡而易明爲貴

泰西諸國之文皆寫之冗長觀之混目讀之音煩記之勞
心習慧人之鵬筋靈速如電者誦西書一句當一利那間
其腦力神光必掣動十餘次庶可免於十二難之錯誤且
人至成童以上大半短於記性長於悟性而洋文則舍長
用短事倍功半揚西抑中者果何心耶人情事事趨勢中
國若強彼必謂華文可通行地球矣日後英人權力稍衰
身毒澳洲分裂自主人必又謂英文不可用矣英人自誇
其字數之多不知正以多而見拙當其先世造字之時地
曠人稀語言無多故二十六母配合足用初不料厥後事
物如此之繁也華文無論新創名目至萬億京垓但擇舊
字名之運用無窮西國不然新增一官新立一政新遇一
異邦人新創一器新得一山一水新見草木鳥獸凡諸新
名皆不能用舊字必以字母強排別增一多母之字今其
文字將及十萬彼所謂通人者非盡識之不可更歷數十
年事物愈多新增之字將至恆河沙數窮老盡氣不能徧
習則必有窒礙廢棄之一日矣說者又謂不用華文亦不
用洋文而別造新字試思歷代國號紀年人名掌故及山
川器物等沿用已久概易新字士民轉苦不知勢必於新
字之下仍注舊字何異新莽
之改郡邑官職徒貽笑柄耶

二十八日檢閱新購各書

近來坊賈鑄印書籍輒妄行刪節其或妄改書名可恨之至

書而有人譏刻大幸也鑄刻而謬加筆削大不幸也如有錯誤於書眉加批或附糾評於卷後斯善耳 天津

北運河逆流至通州共三百二十里自三汊口西北四十

里蒲溝十里岸口三十里楊邨

武清東南三十里

四十里南蔡邨

十里王家務三十里河西務五十里香河馬頭

東距香河縣八里

五十里舊漷縣馬頭

西距舊治十餘里

三十里蘇家莊三十里通

州又西四十五里至京城則節節有閘民舟罕行矣

天津陸路

西北六十里楊邨七十里河西務四十五里和合驛三十五里通州四十里京城

辛卯侍行記卷一終